


D. and son

University of Memphis

891.99.09  
2-36



ՊԵՏՈՎԿԱՆ ՀԱՄԱԼՈՒՐԱՆ  
ՀՍՈ-ՊՈՊՈՒԼԱՐ ՍԵՐԻԱ № 2

7.

Ա. Գ. Ա. Յ. Ա. Յ. Ա. Յ.

# ՍԱՍՈՒՑԻ ԴԱՎԻԹ

ՀԱՅ ԺՈՂՈՎՐԴԱԿԱՆ ՎԵՐ

391.99.09

Դ-36

ՊԵՏՈՎԿԱՆ ՀԱՄԱԼՈՒՐԱՆ ՀՐԱՄԱՆԱԳՐԻ ՅՈՒՆԻ

ՅՈՒՆԻ

1939

13 APR 2011

ՅԵՐԵՎԱՆԻ ՊԵՏԱԿԱՆ ՀԱՄԱԼՍՈՐԱՆ

№ 2 ԳԻՏԱ-ԳՈԳՈՒԼՅԱՆ ԱԵՐԻԱ. № 2

891.19.09

Դ-36 Ար.

Ա. ՊԱՆԱՀԱՅԱՆ

# ՍԱՍԻՑԻՑԻ ԴԱՎԻԹ

ՀԱՅ ԺՈՂՈՎՐԴԱԿԱՆ ՎԵՊ

Դաստիարակության կողմացված Պետհոմալսարանի լեկտորին  
1938 թ. դեկտեմբերի 18-ին:



ՊԵՏԱԿԱՆ ՀԱՄԱԼՍՈՐԱՆ ՀՐԱՏԱՐԱԿՈՒԹՅՈՒՆ

ՅԵՐԵՎԱՆ

1939

19 JUN 2013

64.384

Պատ. Խմբագիր՝ Մ. Մկրտչյան  
Տեխ. խմբագիր՝ Զ. Մարության  
Սբբագրիչ՝ Մ. Հանագալյան  
Կոնտրոլ սբբագրիչ՝ Վ. Յեսյան


7

1.

«Սասունցի Դավիթը» հայ ժողովրդի հնագարյան հարուստ ու գունեղ վիպական բանահյուսության շողջողուն գոհարն են նրա մեջ խռացված ու բյուրեղացված են հայոց հնագույն դիցաբանական-դյուցազնական տուապելների ու զրուցների, պատմական վեպերի ու վիպերգների (Հայկ և Բել, Արա Գեղեցիկ և Շամիրամ, Վահագն, Արտավազդ, Արտաշես, Տիգրան...) բովանդակության ու արվեստի լավագույն տարրերն ու տարերքը:

«Սասունցի Դավիթը» ստեղծել մշակել և սերնդից սերունդ կենդանի խոսքով (բանավոր ավանդությամբ) հեռավոր գարերի խորքից մեր որերն են հասցեր հայ ժողովրդի տաղանդավոր գավակները — աշխատավորության ծոցից գուրս յեկած անգրագետ ու անուս գեղջուկ վիպասանները («Նազլ ասողներ», «ասացողներ»): «Սասունցի Դավիթի» մեջ նրանք մեծ վողեվորությամբ ու բուռն թափով պատմել են այն հերոսական կոփմների մասին, վոր մղել են մեր նախնիներն իրենց հայրենիքի անկախությունն ու ազատությունը վոտնահարող ստարերկրյա նվաճողների գեմք: «Սասունցի Դավիթի» մեջ նրանք (գեղջուկ վիպասանները) մարմնավորել են ժողովրդի լավագույն հույզերն ու հույսերը, իղձերն ու ցանկությունները և գրսեվորել գեղարվեստական խոսքի իրենց մեծ շնորհքն ու վարպետությունը:

Ճաշտ ե, վեպի կենտրոնական դեմքը (Դավիթը), ինչպես նաև բոլոր մյուս գլխավոր հերոսները սասունցիներ ենք ճիշտ ե, նրա մեջ յերեան յեկող գեմքերը գործում և գեպքերը կատարվում են Սասունի և սրա հարեան մի քանի գավառների ու շրջակա յերկրների աշխարհագրական վայրտում, սակայն վեպը շատ հեռու յե միայն Սասունի և սասունցոց վեպ լինելուց: Ծնունդ առնելով պատմական Հայաստանի հիշյալ գավառում, «Սասունցի Դավիթը» չի պարփակվել միայն նրա շրջանակում: Իշ բովանդակությամբ և վողջ եյությամբ հարազատ լինելով ամբողջ աշխատա-



3417  
39

Գլավլիտի լիազոր Ն. 2866, պատվեր 493, Տիրաժ 2000  
Հանձնվել ե արտադրության 11/VII 1939 թ.

Ստորագրվել ե տպագրելու 13/VII 1939 թ.

Համար մամուլ, 1 մամուլում 38400 տպ. նիւ.

Պետհամալսարանի հրատարակչության տպարան, Ծերեկան Տերյան թղթական 72

վոր հայ ժողովրդին, վեպը գարերի ընթացքում տարածվել և Հայաստանի համարյա բոլոր շրջաններում՝ դառնալով իսկական համաժողովրդական — համահայկական մի ստեղծագործություն։ Այդ են վկայում վեպի մեր ձեռքի տակ յեղած բազմաթիվ պատումները՝ գրի առնված տարբեր ժամանակ, տարբեր վայրերում։ այդ են վկայում հիշյալ պատումների մեջ յեղած լիզվական (բարբառային) տարբերությունները և տեղագրականաշխարհագրական ու կենցաղային յուրահատուկ կոլորիտը։

\* \* \*

«Սասունցի Դավիթը» մի ծավալուն ու մեծ հերոսավեպ ե՞րաղկացած չորս առանձին ճյուղերից՝ Դրանցից առաջինը հայտնի յեւ «Սանասար և Բաղդասար», յերկրորդը՝ «Մեծ կամ Առյուծածե Մհեր», յերրորդը՝ «Սասունցի Դավիթ» և չորրորդը՝ «Պստիկ Մհեր» անունով։ Վեպի լավագույն և ամենաընդարձակ մասը կազմում է Դավիթի ճյուղը։

Կապված լինելով իրար հետ մի միամսնական գաղափարով (հայրենիքի պաշտպանություն), սերունդների հաջորդությամբ (հոր և վորդու կապով) և վիպական գործողության աշխարհագրական միջավայրի (Սասուն) ընդհանրությամբ, վեպի վերահիշյալ ճյուղերից յուրաքանչյուրն ունի իր գործողության ինքնուրույն կենտրոնն ու անկախ կյանքը։

### ՎԵՊԻ ՃՅՈՒԴԵՐԻ ՀԱՄԱՌԱՋՈՒԹՅՈՒՆԸ

Ա. Ճյուղ («Սանասար յև Բաղդասար»): Բաղդադի խալիքան, Հայաստանի վրա կատարած իր արշավանքներից մեկի ժամանակ, բռնությամբ կնության և առնում հայոց Գագիկ թագավորի աղջկան՝ գեղեցկուհի Ծովինարին։ Ծովի մեջ գտնվող աղբյուրից իր խմած մեկ լիք և մեկ կիսատ բուռ ջրից հղիանալով՝ Ծովինարը ծնում և յերկու գյուղազուն զավակներ՝ Սանասարին (վքը բոից) և Բաղդասարին (կիսատ բոից): Ժամանակ անց Բաղդադի խալիքան՝ յերկիրն ավերելու և առ ու թալան բերելու նպատակով, նորից և արշավում Հայաստանի վրա։ Լուրջ գիմազբության հանդիպելով հայերից, նա ոգնության և կանչում իր մեծ կուռքին՝ մատադ խոստանալով նրան իր յերկու զավակներին։ Իմանալով այդ մասին Ծովինարից, Սանասարն ու Բաղդասարը սպանում են խալիքային և վերցնելով իրենց մորը, նըստում են՝ Սանասարը ծովի տակից հանված Քուռկիկ Զալալին,

իսկ Բաղդասարը մի քամու ձի և հեռանում խալիքի յերկրից։ Յերկար թափառումներից հետո, Սանասարն ու Բաղդասարը մի լեռնային անառիկ վայրում մեծ և ահոելի քարերից կառուցում են իրենց բերդ—շենք, վորի անունը մի գեղջուկ ծերուկ Սասուն և գնում, ասելով՝ «ուսն սասուն»։ Լսելով յերկու հերոսական յեղայրների համբավը, շրջակայքի անապահով ու աղքատ բնակիչները կամաց կամաց հավաքվում են Սասունո բերդի շուրջը։ Սանասարն ու Բաղդասարը նրանց համար տներ են կառուցում (4 որում շինում են 40 տուն)։ Կարձ ժամանակից Սասունը գտնուում է մարդաշատ ու շեն մի յերկիր։

\* \* \*

Սասունալով Քաջանց թագավորի աղջիկ՝ քառասուն ճյուղ ծամ Դեղձուն Ծամի նամակը, Սանասարը գնում է Պղնձե քաղաքը նրան բերելու։ Ճանապարհին մի շարք արգելքների յեւ հանդիպում (վաթսուն փանկեվաններին, ջուրն արգելող վիշապին)։ Բաղդասարն իր սևացած մատանուց գուշակելով յեղբոր ծանր դրությունը՝ ոգնության և համնում նրան։ Յերկուսով հաղթահարում են բոլոր դժվարությունները և բերում թե Դեղձունին և թե նրա քրոջը։ Ամուսնանում են՝ Սանասարը Պղնձունի, իսկ Բաղդասարը նրա քրոջ հետ։

Սանասարից և Պղնձունից ծնվում են Վերգոն, Զենով Հովանը և Մհերը։

Բաղդասարը մնում է անժառանգ։ Նա թողնում է Սասունը և գնում Բաղդադ, վորտեղ և մեռնում է։

Մհերի ծնվելուց հետո, շատ չանցած, մեռնում է նաև Սանասարը։

Բ. Ճյուղ («Մեծ կամ Սոյուծանեվ Մհեր»): Մհերը մասնկությունում է պարապել վորսորդությամբ։ Վորսով նա յոթ տարի կերակրում է իր հայրենիքը։ Սասունը հարեան յերկրների հետ կապող ճանապարհին մի առյուծ և լույս ընկնում։ Մհերն սպանում է առյուծին և աղատում յերկիրը վերահաս սովից։

Այսուհետեւ, մենամարտի մտնելով Մեծ Մորա Մելիքին հարկատու լինելուց։

Քենին և հորեղբայրն ուզում են ամուսնացնել Մհերին գեղցկուհի Արմաղանի հետ: Պարզվում է, վոր Արմաղանին տարել և Խլաթի Սպիտակ դելը: Մհերը գնում, սպանում և Սպիտակ դելին և ամուսնանում Արմաղանի հետ:

Մհերից և Արմաղանից ծնվում և Դավիթը: Շուտով մեռնում են Մհերն ու Արմաղանը: Դավիթը մնում է իր հորեղբոր՝ Զենով Հովանի խնամքին:

Գ. ձյուդ («Սասունցի Դավիթ»): Զկաբողանալով պահել Դավիթին, Զենով Հովանն ուղարկում է նրան Մըսր՝ իսմիլ Խաթունի մոտ, վորի հետ կենդանության ժամանակ ապրել եր Մեծ Մհերը՝ ունենալով նրանից Մըսրա Մելիք անունով մի արու զավակ: Խաղի ժամանակ Դավիթը բռնում է Մելիքի գուրզը: Դավիթի մեջ իր ապագա թշնամուն գուշակելով, Մելիքը վորոշում է սպանել տալ նրան, սակայն չի հաջողում: Դավիթը գալիս է Սասուն՝ հորեղբոր (Զենով Հովանի) և քեռու (Թորոսի) մոտ: Զենով Հովանը նրան նախրապան և դարձնում: Դավիթն ընկերանում է նախրոգների հետ, սպանում է նրանց տափարը տանող դեկերին և վերջիններիս թալանած հարստությունն ու վոսկին վերադարձնում Սասունի բնակչությանը:

Շուտով Դավիթը թողնում է նախրոգնությունը և գտանում վորսորդ: Մի որ ել վորսից վերադանալով, իր հայրենական տառ գանում է Մելիքի հարկահաններին՝ 7 տարվա հարկը չափելիս:

Դավիթը պատուհասում է նրանց և դատարկ հետ վերադաշնում: Զայրացած Մըսր Մելիքը մեծ զորքով գալիս է Սասունի վրա: Կորեկի արտի տեր աղքատ պառավի ցուցմունքով Դավիթն առնում է հորեղբորից հոր գենքերն ու ձին, զինավառփում և գնում Մելիքի զորքի դեմ: Մըսր բանակից մի ծերունի զորական հորդորում և Դավիթին վերջ տալ զոռով կովի դաշտ բերված անմեղ զինվորների կոտորածին և մենամարտել իրեն՝ Մելիքի հետ: Լսելով արաբ ծերունու խոսքերը, Դավիթն ընդհատում է կոտորածը և ձին քշում դեպի Մելիքի վրանը: Մելիքը դավադրաբար հորս և նետում Դավիթին: Զենով Հովանի ոգնությամբ Դավիթը գուրս է գալիս հորից և մենամարտելով Մելիքի հետ թրի մի հարվածով վոչնչացնում է նրան:

Զենով Հովանը նշանում է Դավիթին խլաթցի Զմշկիկ Սուլթանի հետ: Սակայն Դավիթը լսելով գուսաններից կապուտկողցի գե-

զեցկուհի Խանդութ Խանդումի գովքը, թողնում և Զմշկիկին, գնում կապուտկող, հաղթում Խանդութի հոր թշնամի յոթ թագավորներին և բերում իր հարմացվին: Ճանապարհին Դավիթի դեմ և գուրս գալիս Զմշկիկը և մենամարտի հրավիրում նրան՝ իրեն հացրած վիրավորանքի համար: Դավիթը խոսք և տալիս առնել Խանդութին տուն և յոթ որից վերադառնալ կովելու, բայց գալով Սասուն և ամուսնանալով Խանդութի հետ, մոռանում է իր խոստումք...»

Դավիթից և Խանդութից ծնվում է մի գյուցազուն մանուկ: Իր հոր՝ Առյուծածե Մհերի անունով, Դավիթը նրան Մհեր և կոչում:

Ցոթ տարի անց մի որ լողանալու ժամանակ Դավիթը տեսնում է իր թեկի սեացած Խաչ Պատերազմին և, հիշելով Զմշկիկին տված իր խոստումը, շտապով գալիս և նրա մոտ: Գետափի յեղեգնուտից գուրս և գալիս Զմշկիկի դարանակալած աղջիկը և թունավոր նետով մեջքից վիրավորելով, սպանում է Դավիթին: Լսելով նրա մահվան բոթը Խանդութն ինքնասպան և լինում բերդի տանիքից իրեն ցած նետելով:

Գ. ձյուդ («Պատիկ Միեւ»): Մհերը քեռու և հորեղբոր հետ առնում է Դավիթի արյան վրեմբ՝ սպանելով Զմշկիկին և ավերելով Խլաթը: Նա պատժում է նաև իրեն թշնամիների ձեռքը հանձնող մատնիչ վանահորը՝ գլուխը սյան տակ թողնելով: Մհերն ամուսնանում է Պատիկ թագավորի աղջիկ գեղեցկուհի Գոհարի հետ: Իր շրջագայությունների միջոցին նա ընկերանում է 40 փահելիքան յեղբայրների հետ, սպանում է նրանց հայրենի քաղաքն ավերող մարդակեր պառավին: Ժամանակ անց Մհերը Զենով Հովանի կանչով գնում է Սասուն՝ վոչնչացնում իր հայրենի հողը տիրել փորձող կողբազնի չորս թոռներին, աղատում հեղեղից Զգիրե քաղաքը... Տուն գալով Մհերը մեռած և գտնում կնոջն ու հորեղբորը: Մենակ մնացած լինելով աշխարհում և դառնացած շրջապատի անարդար կարգերից՝ զաղաղած Մհերը կոիվ և պահանջում աստծուց, մենամարտում վերջինիս ուղարկած հրեշտակների հետ և... փակիում Ակավու քարում: Իրեն այցի յեկած հովի հարցումին, թե յե՞րբ և նա մտադիր դուրս գալու քարից, Մհերը պատասխանում է.

«Քանի աշխարքը չար և,

Ու հողն ել դալբցեր և,

Յես չեմ մնա մեջ աշխարքին:»

Վոր աշխարք ավերվի մեկ ել շինվի՝  
Ցերոր ցորեն եղավ քանց մասուր մի,  
Ու գարին եղավ քանց ընկուզ մի,  
Են ժամանակ հրամանք կա; վոր ենենք եստեղնն»:

Ա. 118, 933, Բ. 44

2.

Ինչպես ամեն մի ժողովրդական վեպ, «Սասունցի Դավիթը» իր հիմքով պատմական ստեղծագործություն եւ: Նրա մեջ վիպականորեն անդրադարձել են՝ արաբական խալիֆաթի դաժան տիրապետության դեմ հայ ժողովրդի մղած ազատագրական պայշարի դրվագները 7—10 դարերում:

Վեպի մեր ձեռքի տակ յեղած 50 պատումներում նկարագրված դեպքերի ու գեմքերի զուգազրություննամեմատությունը հիշյալ ժամանակաշրջանում Հայաստանում տեղի ունեցած պատմական իրադարձությունների, իրական դեպքերի ու գեմքերի հետ պերճախոս կերպով հաստատում ե այդ բանը:

Պատմությունից հայտնի յեւ, վոր 7-րդ դարի կեսերին, արաբական խալիֆաթը, մի քանի անգամ արշավանքներ կազմակերպվ Հայաստանի վրա (640, 642—643 թ.թ.), ավերելով յերկիրը, կողոպտելով ու գերեվարելով ժողովրդին, 650 թվին հաջողում ե տիրել Հայաստանին, դարձնելով այն իրեն հպատակ յերկըներից մեկը: Հայաստանի վրա, այնուհետև, ծանրանում ե արաբական խալիֆաթի հարկային քաղաքականության ծանր լուծծը, վոր տեսում ե մոտ յերեք դար: Արաբ խալիֆներն իրենց վոստիկանների միջոցով, հարկի անվան տակ, սկսում են կողոպտել յերկիրը, թալանել ժողովրդին՝ տանելով նրա ունեցվածքն ու ազրուածի վերջին միջոցները: Իրենց «առաքելությունը» հաջող կատարելու համար արաբ վոստիկաններն ու հարկահանները վոչ մի միջոցի առաջ կանգ չեն առնում (ծեծ, կախաղան և այլն):

Արաբական խալիֆաթի՝ Հայաստանում վարած հարկային կեղեքիչ քաղաքականության և հարկապահանջության ժամանակ արաբ վոստիկանների կողմից գործադրվող դաժան միջոցների մասին վորոշ գաղափար տալու համար բերենք ժամանակակից հայ պատմիչ (8-րդ դար) Ղեռնդի մի վկայությունը. «Զայն ժամանակս ի հրամանատարության եղիտի և յիշլանութեանն Աբգայի միւսոյ յոյժ ծանրացավ անուր լծոյ հարկապահանջու-

թեան ի վերայ աշխարհիս հայոց. քանզի դժոխածե ազահութիւն անհամբոյր թշնամւոյն ոչ շատացաւ ուտել զմարմինս լնտրելոց Քրիստոսի հոտիս և ըմպել զարիւն իրեւ զջուր զարհամարհանս նոցա. այլ համօրէն զբոլոր երկիրս Հայոց արկանէր ընդ անհագուրթելի վտարանդիւք. զի վախճանեաց զգիւտ արծաթոյ ի յերկրէս, և ամենայն ոք տալով զպամարանս ընչից իւրեանց՝ վոչ գտանէին զգինս փրկանաց անձին իւրեանց. և չար կտտանօք, գելարանօք, և կախաղանօք և դառն տանջանօք կեղէին զկեանս մարդկան: Յորմէ փախստեայ եղեալ բազումք յայրս և ի փապարս երկրի՝ զօղեալ թաղչէին. և ոմանք ձիւնահեղձ և գետավէժ լինէին վասն անտանելի աղետիցն. զի ոչ էր զիւտ զոր հայցէինն, գտանել պահանջումն սակի արծաթոյն, այլ ըստ զլիոյ արանց. որովք թափուր մնացեալք յամենայն ստացուածոց՝ կապէին կապանօք անանկութեան երկիրս Հայոց, և առհասարակ հաշակէին ի հոցէ աղքատութեան» (տես Ղեռնդ, եջ 135—136):

Սակայն արաբները չեն բավականացել միայն գրամական և ընարդյունքի հարկերով, վորոնց մասին գրում են մեր պատմիչները: 9-րդ դարի արաբ մատենագիր Ահմեդ Բալաձորիի վկայությամբ՝ նրանք նվաճված յերկրներից հարկ են պահանջել, բացի նյութական բարիքներից, նաև վորոշ թվով «սեվահեր, սեվահոն, յերկար արտեանունքներով և բարձրահասակ» աղջիկներ ու պատանիներ:

Արաբների տիրապետության վոզ շրջանում Հայաստանի ազգաբնակությունը—աշխատավոր գյուղացիությունն ու ռամիկները, մերթ ավելի, մերթ պակաս, գտնվել են խալիֆաթի հարկային քաղաքականության ծանր լծի տակ:

Սակայն, հայրենասեր և ազատատենչ հայ ժողովուրդը լուելյան չեւ, վոր ընդունել ե արաբական տիրապետությունը և վոչ ել հնազանդությամբ յենթարկվել խալիֆաթի հարստահարություններին: Նա մեկից ավելի անգամներ հերսոսարար պաշտպանել ե իր հայրենիքի սահմանները արաբական բանակների հարձակումներից և բազմիցս զինված ապստամբել արաբ կեղեքիչ հարկահանների և վոստիկանների դեմ:

7—10 դարերի մի շաբաթ հայ և արաբ մատենագիրներ հիշատակում են արաբների արշավանքների և հարստահարությունների գեմ հայ ժողովրդի կազմակերպած՝ զինված ինքնապաշտպանությունն ու ապստամբությունները:

Բերենք մի քանի բնորոշ փաստեր:

7-րդ դարի հայ պատմիչ Սեբեոսի վկայությամբ, 640 թ.  
աշնանը Դվինի վրա արշավող արաբական զորքերը քաղաքում  
հանդիպում են Արարատյան դաշտի ըստակիչների և Դվինի պա-  
հապան զորքերի միացյալ զիմադրությանը: Իբրև գեղքերին  
ժամանակակից, Սեբեոսը մանրամասն հիշում է հայ ժողովրդի  
մղած կրիվը քաղաքը պաշտամած արաբների դիմ: Նույն Սեբեոսը  
դրում է նաև արաբների Հայաստանի վրա կատարած յերկրորդ  
մեծ արշավանքի ժամանակ (642—643 թ.թ.) հայերի ցույց տված  
ռազմական լուրջ դիմադրության մասին:

Արաբների գեմ մղած հիշյալ հակատամարտերը կազմա-  
կերպել և գլխավորել ե 7-րդ դարի հայ աշքի ընկնող քաղաքա-  
կան գործիչ և խոշոր ռազմագետ՝ պատմական թեոգորոս Ռշտու-  
նին:

Հաճախակի յեն յեղել Հայաստանում նայել արաբների դեմ  
ուղղված ապստամբությունները:

Այսպես, որինակ, 8-րդ դարի հայ պատմիչ Դեվոնդը հիշում  
է, վոր Շիրակի ժողովուրդը չկարողանալով տանել արաբների  
և կողմից կիրառվող հարկահանության և շահազործման դաժան ձեւ-  
րը, «վոդի ի բոխն» դիմում և միջոցների և, լավ համարելով քա-  
շաբար մեռնելը վտանգավոր կյանքից, 772 թ. Արտավազդ Մամի-  
կոնյանի գլխավորությամբ ձեռնամուխ և լինում ապստամբու-  
թյան և նույն թվին կումայրիում (Գյումրի—Լենինական) սպա-  
նում արաբ հարկահավաքին: Ապստամբությունը ձնշվում է Դվինի-  
նից ուղարկված արաբական զորքերի ոփնությամբ միայն:

Շիրակին հետևում է պատմական Հայաստանի Բուգեկվանդ  
և Տարոն գավառների բնակչության ապստամբությունը՝ Մուշեղ  
Մամիկոնյանի ղեկավարությամբ: Դեվոնդի վկայությամբ այս  
ապստամբությանը հարել են «բոլոր վշտակիրներն ու վտանգված-  
ները», «ուամիկ ժողովուրդը» . . . «Յեկ այսպես միախուռն ժո-  
ղովնեալք առ միմիանս արք իբրև 5,000, զի բազումք ի ուամիկ  
ժողովոց յեկյալ խառնելին ի գունդն նոցա . . .»: Ապստամբները  
սպանում են հարկահանին, քշում յերկրի սահմաններից՝ ապշ-  
տամբությունը ձնշելու ուղարկված ավելի քան 4,000 հոգուց բաղ-  
կացած արաբական կանոնավոր զորքը:

Ապստամբների այս հաջողությունները վոգեվորում են Հա-  
յաստանի մյուս գավառների ազգաբնակությանը: Մեկը մյուսի  
հետեւյց վոտքի յեն յենում Հայաստանի բոլոր նահանգներն ու  
գավառները:

Ապստամբությունը ձնշելու համար արաբական խալիֆաթը  
775 թ. գարնանը 30,000 թուրքական զորք և ուղարկում Հայաս-  
տան: Անհավասար կրվում ապստամբները պարտվում են:

Ժողովրդական ապստամբությունների հետեւյալ մեծ ալիքը  
արաբական խալիֆաթի գեմ բարձրանում և 850 թվին, պատմա-  
կան Հայաստանի Տարոն և Սասուն գավառներում:

Ինչպես նախորդ, նույնպես և այս ապստամբություններին  
առիթ և ծառայում խալիֆաթի հարկային քաղաքականության  
խստացումը: Համառոտակի նշենք այդ ապստամբության հետ  
կապված պատմական փաստերը:

849 թվին Զափր (Մուտավաքիլ) անունով արաբ ամիրապե-  
տը Հայաստան և ուղարկում իր Արուսեթի վոստիկանին՝ հարկ  
հավաքելու: Սակայն Արուսեթի «առաքելությունն» անհաջողու-  
թյան և մատնվում: Տարոնի և Վասպուրականի բնակչությունը  
կես ճանապարհից հետ և վերադարձնում նրան, տալով պահանջ-  
ված հարկի մի մասը միայն: Արուսեթին հաջորդում են նրա  
զորավարներ՝ Ալան և Մուսեն: Սրանք ուզում են զենքի ուժով  
հասնել իրենց նպատակին, սակայն մեծ ջարդ կրելով նույն գա-  
վառների ապստամբ ժողովրդի կողմից, հաղիվ են ազատում  
իրենց կյանքը: Պարտված Մուսեի և Ալայի փոխարեն, ամիրա-  
պետը 851 թվին մեծ բանակով Հայաստան և ուղարկում Յու-  
սուփ վոստիկանին: Վերջինս գրավում է ամբողջ հարավային Հա-  
յաստանը, ավերելով յերկիրն ու գերեվարելով բնակչներին:  
Վերեսում հիշված արաբ մատենագիր Բալաձորի վկայությամբ,  
Յուսուփի գավառական կառավարիչներից մեկը՝ ալ-Ալյա իրն  
Ահմադ անունով, նույն ժամանակ կողոպտում և Սասունում  
գտնվող Աքթահ-Արթան (=Մարութա) անունով վանքը, անար-  
գում ու կոտորում նրա միաբաններին:

Յուսուփի ավերածությունների և գերեվարության մասին  
վկայում ե նայեկ հայ պատմիչ Թոմա Արծրունին. « . . . վարեաց  
գերութիւն, վաճառակուր առնել ի կողմանս Սաորոց և յամենայն  
ստհմանս տերութեան Տամակաց. և զես գերույն ընդ իւրեանց  
ունելով ի քաղաքն, լինել իւրեանց Ջրկերս և փայտակտորս . . .  
յավեր գարձուցյալ զբանվ աշխարհն» (Թ. Արծրունի, Պատմու-  
թյուն Հայոց, եջ 118):

Յուսուփի և նրա զորականների ասպատակություններից,  
շնորհիվ իր անառիկ դիրքի և ըմբուտ ժողովրդի, զերծ և մնում  
Սասունի Խույթ կոչվող լեռնային մասը միայն: Վերջինիս բնա-

կիջները (վորոնք ըստ Բալաձորիի գյուղացի մշակներ են), Խութեցի Հոդանի առաջնորդությամբ ապստամբում են Յուսուֆի դեմ և «համագունդ ի մի վայր հավաքեալ և զմի զինուրութիւն զինուրեալ և յանկարծակի ի վերայ տարմաբար յարձակեալ» դալիս են նրա զորքերի վրա, դուրս քշում իրենց յիրկրից և աղատում բանտարկված գերիներին։ Այնուհետև ապօստամբները շրջապատում են Մուշի ո. Փրկիչ յեկեղեցին, վորի գմբեթի մեջ ապաստան եր գտել սարսափահար Յուսուֆը։ Նրանցից մեկը բարձրանում ե գմբեթը և տեղն ու տեղը սրախողխող անում Յուսուֆին։

Ապստամբությունը ճնշելու և Յուսուֆի սպանության վրեժն առնելու համար 852 թվին խալիֆաթը, Բուղա զորավարի գլխավորությամբ, մի մեծ բանակ և ուղարկում Հայաստան։ Հերթով ճնշվում են Հայաստանի տարերեր գավառների ապստամբությունները, կոտորվում, գերեվարվում են բնակիչները և հրի ու որի մատնվում յերկիրը։

3.

«Սասունցի Դավիթ» ժողովրդական վեպի պատմական առանցքն են կազմում 7—10 դարերում Հայաստանում տեղի ունեցած վերոհիշյալ անցուդարձերը, մասնավորապես հարկահանությունը և վերջինիս պատճառով հայ ժողովրդի և հատկապես Սասունի ու հարևան գավառների աշխատավոր գյուղացիության արաբական խալիֆաթի և նրա կեղեքիչ վոստիկանների գեմմած հերոսական կոփմսերն ու ապստամբությունները։

Ինչպես պատմության, այսպես ել վեպի մեջ (Դավիթի ճյուղի անխոտիր բոլոր պատումներում), Բաղդադի խալիֆը կամ Մսրա Մելիքը (վոր պատմականորեն փոխարինել ե Բաղդադի Խալիֆին) իր հարկահաններին (Եղբագին, Բագին, Սյուզին, Խոլբաշին և այլն) ուղարկում և Սասուն յոթ տարվա հարկը բերելու։

«Ելավ, Մսրա Մելիք ոխտը մարդ ճամբեց,  
Ասաց.— Իմ խարջ ոխտը տարի կա, չեն տվեր։

Ոխտը ուղտի բեռ վոսկի ե.

Ոխտը ուղտի բեռ արծաթ։

Քառսուն աղասի աղջիկ ել արմաղան։

Քառսուն կարճ կնիկ՝ երկանք աղան։

Քառսուն անծին երինջ մատաղ։

Քառսուն բուղա—աչառ լծկան։

Ա. 346

Սակայն, ինչպես պատմության մեջ, նույնպես և վեպում, հարկահանները միշտ չե, վոր կարողանում են կատարել իրենց արված հանձնարարությունը։ Դավիթը պատուհասում է նրանց և ձեռնունայն հետ ուղարկում։

«... Դավիթն ել խերսոտեց, կայնավ,  
Զշափ եզար կողբազնի ճակատ.  
Կողբազնի պոկտեր կտրեց,  
Ատամներ լե քաշեց, բգնեց ճակատ, ասաց,  
— Գնա, ջուհափ տուր քու Մսրա Մելիքին,  
Ինչ կանի, թըլի անի»։

Ա. 16

Բացի հարկահանությունից, վեպի մեջ (Դարձյալ Դավիթի ճյուղի համարյա բոլոր պատումներում), արձագանք և գտել նաև արաբ վոստիկաններից մեկի կողմից՝ Սասունում գտնվող Մարութա վանքն ավերելու և վանքի միաբաններին կոտորելու վերել վում հիշված պատմական միջադեպը։

Մսրա Մելիքը (Բաղդադի խալիֆան), լսելով, վոր Դավիթը վերանորոգել և Մարութա վանքը, ուղարկում ե իրեն մարդկանց (Կողբազնին, Խոլբաշուն և այլն), վորպեսզի գնան ու քանդեն այն։

«Մսրա Մելիք իմացավ՝  
Դավիթ Մարութա Բանձրիկ Ասպարածին  
Նորեն շիներ ե.— Կուղբազին, ասաց,  
Գնա, զՄարութա Բանձրիկ Ասպարածին քանդի, արի:  
Կուղբազին առավ հինգ հազար ձիավոր, եկավ.  
Մարութա Բանձրիկ Ասպարածին քանդեց.  
Սպանեց քառսուն նորընծա երեց.  
Սպանեց քառսուն վարդապետ.  
Սպանեց քառսուն յեպիսկոպոս.  
Սպանեց քառսուն ավագ սարկավագ.  
Սպանեց քառսուն պակաս մեկ սարկավագ»։

Ա. 74

Յեվ ինչպես վոր պատմության մեջ Սասունի գյուղացիությունը անպատճի չի թողնում վանքն ավերող և միաբաններին կոտորող վոստիկանին, ապստամբելով և դուրս վոնդելով նրան Սասունից, այդպես ել վեպում Դավիթը Մարութա վանքի ավերման բոթն առնելուն պես՝ հետապնդում ե կողբազնին (Խոլբաշուն և այլն) և բռնելով նրան պատուհասում։

Այս անդամ մեծ զորքով Սասունի վրա յէ գալիս ինքը  
Մորա Մելիքը (Բաղդադի խալիֆան).

«Մորա Մելիք ժողվեց իր կոշուն,  
Եկավ Լեռա գաշտ—Բաթմանա ջրու վերեն:  
Ենու կոշուն ենքան եր,  
Վոր գետու վրեն առաջի եկողը ջուր խմավ,  
Խմելով գետ կտրավ,  
Յածի մարդիկ առանց ջուր մնացին:  
Զուղար տվեց Դավթին,  
Թէ, «Քու հողն երա, յես եկա»...

Ա. 351

Կոփը վերջանում ե Դավթի հաղթանակով, վորը թրի մի  
հարվածով վոչչացնում ե քառասուն գոմշի կաշու, քառասուն  
ջրաղացի քարի տակ թափած թշնամուն.

«Դավթ գնաց, եկավ,  
Հիշեց զՄարութա Բանձրիկ Աստվարածին,  
Խաչ Պատերազմին, ինչ վեր իր աջ թելին,  
Զուր մեկ թուր եզար:  
Վոր եղար, զբանուն գոմշի կաշին կտրեց,  
Քառասուն ջաղջի քար լի կտրեց,  
Մորա Մելիքի գլուխ գագաթ լի կտրեց»:

Ա. 31

Մորա Մելիքի մեծ զորքով Սասունի վրա արշավելու, Դավթի  
և Մելիքի կովի, և Դավթի ձեռքով Մելիքի սպանվելու այս  
պատմությունները հիշեցնում են՝ Սասունից հալածված Աբուսեթ  
և Մուսե անուններով պատմական հարկահանների փոխարեն՝ ապըս-  
տամբ ժողովրդին հսազանդեցնելու և յերկիրը կողոպտելու նպա-  
տակով ամիրապետի կողմից մեծ զորքով Հայաստան ուղարկված  
Յուսուֆ փոստիկանի դեմ Խութեցի մշակների ապստամբությունը  
Հովհաննի դեկավարությամբ, և ապստամբներից մեկի կողմից Յու-  
սուփին Մուշի ս. Փրկիչ յեկեղեցու գմբեթում սրախողխող անելը՝  
«Սասունցի Դավթի» մեջ պատմական են վոչ միայն կարևոր  
դեպքերը, այլև գործող անձերից մի քանիսը:

Վեպի կենտրոնական դեմքը՝ Սասունցի Դավթիը, Բաղդադի  
խալիֆայի կամ Մորա Մելիքի գեմ մղած իր հերոսամարտով, հի-  
շեցնում ե Յուսուփի դեմ Սասունի ժողովրդական ապստամբու-  
թյան կազմակերպիչ և դեկավար՝ Խութեցի Հովհաննին:

Ճիշտ ե, Դավթիթը չի կրում Հովհանն անունը, բայց վերջինս  
մնացել ե վեպի մեջ, կապվելով Դավթի կյանքի ու գործի մասնա-  
կից նրա հորեղբոր (Զենով Հովհաննի) անվան հետ: Ժողովրդական»

«Եպի մեջ անունների ու անձերի նման «տեղաշարժեր» հազվա-  
գեպ չեն:

Վեպի պատմական յերկրորդ կարևոր գեմքը՝ քեռի Թո-  
րոսն ե կամ Թեւաթորոսը, վոր վիպական արձագանք ե արաբնե-  
րի ներխուժման դեմ հայ ժողովրդի զինված դիմադրությունները  
զվավորող, վերգում հիշված պատմական Թեոդորոս Ծառունու:  
Այսուհետեւ պետք ե հիշել Դավթի վոսոփ Բաղդադի խալիֆին:  
Այս վեպի մեջ կրում ե նույն անունը և կատարում նույն  
գերը, ինչ վոր իրական պատմության մեջ:

Այսպես, պատումներից մեկի մեջ նա մեծ զորքով գալիս ե  
Հայաստանի վրա, կոտորում ժողովրդին և ահագին քանակու-  
թյամբ գերիներ տանում:

«Բաղդադի խալիֆեն շատ զոր ու զորընդեղ կեղնի,  
Ասքար կենե, կը գա վեր մեր ազգին.

Շատ զմեր ազգ կը նվազցու,

Ու շատ գերի կը բռնե, տանի»:

Բ. 7

Մի այլ տեղ՝ նա իր հարկահավաքներից լսելով հայոց թա-  
գավորի աղջկա անպատմելի գեղեցկությունների մասին և ցան-  
կանալով անպայման տիրել նրան, հրամայում ե իր մարդկանց  
գնալ Հայաստան և ինչ գնով ել լինի բերել աղջկան.

Խալիֆեն ասաց.

— «Հա, ասքար, ասքար երեք, գնացեք,

Աղջիլը կը տա, կը տա, չի տա՝

Քար քաղեցեք, ավագ մաղեցեք.

Ժողովեցեք, բերեք՝ ինչ կա»:

Ա. 309

Վեպի մի շարք պատմումներում արձագանք ե գտել նաև Սա-  
սունն ավերող պատմական Բուղա վոստիկանը, սակայն վոչ թե  
իբրև վոստիկան կամ հարկահավաք, այլ իբրև Մորա Մելիքի  
(Բաղդադի խալիֆայի) փահելվան՝ Բաթմանա Բուղան, վորին  
Մելիքը (կամ խալիֆը) հանձնարարում և սպանել մասնուկ Դավթին.

«Ելավ, ինչ երավ Մելիքը.—

Դավթիթ տվեց Բաթմանա Բուղին,

Զարբահար Քամին փահելվաններուն,

Թասլիմ երաց, ասաց,—Եսու կը տանիք,

Կերթաք Բաթմանա կարմնջի վերեն,

Կը սպանեք, ինձի մեկ շուշա երուն կը բերեք,

Ենու ջանդակ կը թալեք գետ, կերթա.

Ենու երուն կը բերեք,

Վոր յես խմեմ, իմ սիրտ խովնա»:

Ա. 337

«Սասունցի Դավթի» մեջ, բացի վերոհիշյալ պատմական գեղքերից ու գեղքերից, վորոնք վերաբերում են զլիսավորապետ Սասունի IX դարու պատմությանը և վորոնք կազմում են վեպի պատմական առանցքը, կան նաև պատմական մի շարք այլ հիշություններ՝ ավելի հին և ավելի ուշ շրջաններից:

Հին շրջանի հիշողություններից ե, որինակ, պարսից Շապուհ արքայի անվան հիշատակությունը (Շապուհ արքան, Շըպշքան Խորասական և այլ ձեռով): Վերջինս վեպի մեջ հանդես է գալիս իբրև Խանգութ Խանումի ուղնկաններից մեկը: Դավիթը կովում ե նրա դեմ և սպանելով տոնում Խանգութին:

Իբրև նոր շրջանի հիշողության նմուշներ կարելի յե հիշել։  
1. Բապը Ֆրենկին (Հոռմի պապին): Խնչպես Շապուհ արքան, սա ևս վեպում հանդես ե գալիս իբրև Դավթի թշնամիներից մեկը, վորի դեմ կովում և սպանում և Դավիթը:

2. Մորա Մելիքին, վոր արձագանք և XIII դարի սկզբաներին հարավային և Արևմտյան Հայաստանը գրավող Մորա (Յեղիպտոսի) եյուբյան հարստության թագավորների (մելիքների), վորոնց դեմ հերոսական ու համառ կոփթեր են մղել պատմական Հայաստանի հիշյալ յերկու մարդերի և մասնավորապետ Սասուն գավառի բնակիչները:

«Սասունցի Դավթի» մեջ պատմական վերոհիշյալ հին ու նոր գեղքերի ու գեղքերի հիշատակության հետ մենք գտնում ենք նաև դրանց շուրջը հյուսված վիպական բանահյուսության նկատելի արձագանքները, մասնավորապես՝ պարսից նվաճողների դեմ հայ ժողովրդի մղած յերկարամյա հերոսական կոփթերի մասին ստեղծված մեր հին ժողովրդական վեպի արձագանքները (տես՝ Մամիկոնակի, Վաչեյի, Մուշեղի, Պապի և ուրիշների շուրջը հյուսված ժողովրդական պատմվածքներն ու զրուցները՝ վոր պահպանվել են Փ. Բյուզանդի և Զ-րդ ու հետագա դարերի մեր մի քանի այլ մատենագիրների մոտ):<sup>1</sup>

4

«Սասունցի Դավթի» թեման (պատմական պատաղը) արարական տիրապետության դեմ հայ ժողովրդի մղած հերոսական-

<sup>1</sup> Մ. Աբեղյան, Հայ ժողովրդական վեպը, տես՝ «Ազգագրական հանդես», 1907 թ. գիրք XVI, էջ 101—103:

սպատագրական պայքարը լինելով, նրա բուն եյությունն են կազմում՝ հայրենասիրության, ժողովրդասիրության, ազգային ամերաշխության ու խաղաղասիրության գաղափարները, ժողովրդի իդակերն ու յերազները՝ խաղաղ աշխատանքի և լիառատ կյանքի մասին:

Առաջին և ամենահիմնական գաղափարը, վոր կարմիր թերմի նման անցնում ե վեպի բոլոր պատումներում, դա հայրենասիրությունն ե: «Սասունցի Դավթի» գլխավոր հերոսները դրա կենդանի կրողներն են: Նրանք սերտորեն կապված են իրենց յերկրին և անսահմանորեն նվիրված նրա պաշտպանության գործին:

Վորըն և այդ հայրենիքը և ինչոք և նա նվիրական Դավթի և մյուսների համար:

Վեպի հերոսների հայրենիքը («Խերանական յերկիրը» կամ «Խերանց խերանան») Սասունն ե, պատմական Հայաստանի հարավային գավառներից մեկը, վոր հայտնի յե յեղել իր լեռնային անառիկ դիրքով և ըմբոստ ու հերոսական ժողովրդով: Այստեղ են ծնվում, աշխատում և կատարում իրենց սխրագործությունները վեպի գրեթե բոլոր գլխավոր հերոսները: Սասունը նվիրական ե նրանց համար.

1. Վորովհետեւ այն խլված չե ուրիշից բոնության ու գենքի ուժով, այլ հիմնագրված ե իրենց իսկ կողմից՝ քրտնաշան աշխատանքի և բնության տարերքի դեմ մղած պայքարի զնով (տես՝ յերկու յեղբայրների կողմից Սամնո բերդի հիմնադրման պատմությունը):

2. Վորովհետեւ այնտեղ ապրում ու աշխատում ե վեպի հերոսներին հարավատ աշխատավոր ժողովուրդը, վորին պաշտպանում ու հովանավորում են նրանք (տես՝ Սանասարի, Բաղդասարի, Մհերի հոգատարությունը Սասուն բնակիչության համար):

«Սասունցի Դավթի» հերոսների սերը վեպի իրենց հայրենիքը զուգորդված ե նրանց դեպի ժողովուրդն ունեցած ջերմ սիրո հետ: Դրա առաջին փայլուն որբնակը վեպի մեջ տալիս ե յերկու դյուցապուն յեղբայրների (Սանասարի և Բաղդասարի) ժայրը՝ Ծովինարը: Յերբ Բաղդասարի խալիֆան նրան տիրանալու պատակով իր վերջնագիր սպառնալիքն ե ուղարկում Դավիկ Թագավորին, Ծովինարը ինքնակամ վորոշում ե գնաւ դառնալ ատելի խալիֆի կինը, մտածելով



«Վոր չերթամ,  
Իմ հոր յերկիր քար քաղեն, ավազ տի մաղեն.  
Ցես մեկ ջան եմ, երթամ կորսվիմ լավ ե,  
Քանց իմ հոր յերկիր ավերի:  
Ծովինար խոսք ետու»:

Ա. 309

Հայրենասիրության և ժողովրդասիրության վոչ պակառ  
ցայտուն որինակ ե Թավթի հոր Մեծ կամ Առյուծաձեկլ Մհերի  
առյուծին սպանելու հերոսական պատմությունը: Քեռուց իմա-  
նալով, վոր Սասունում տիրող թանգության ու սովի պատճառն  
իր յերկիրը հարեան հացաշատ վայրերի հետ կապող ճանապար-  
հին լույս ընկած առյօւծն ե, Մհերն անժիշտապես շտապում  
ե այնտեղ, մենամարտում նրա հետ, սպանում և ազատում ճա-  
նապարհը.

«Կանչեց Բանցըրիկ Մարաթուկ,  
Չեռ թալեց վերի չանգեն, ներքի չանգեն,  
Մեջտեղեն ձղեց, երեց երկու կտոր,  
Մեկ թալեց ճամբու են կողմ,  
Մեկն ել ճամբու են կողմ»:

Բ. 146

Յեթե Ծովինարը, մեծ անձնազոհությամբ, ազատում ե  
իր յերկիրն ու ժողովրդին խալիֆի հրոսակների ձիերի որմ-  
բակներից, ապա նրա թոռ՝ Մհերը նույն կերպ, փրկում և սա-  
սունցիներին վերահսկ սովից:

Բնորոշ որինակներ են նայել Փոքը Մհերի սիրագործու-  
թյունները, մասնավորապես Զմշկիկ Սուլթանին և Կողբաղնի-  
թոռներին սպանելու պատմությունները:

Դավթի մահվանից հետո, նախ Զմշկիկը և ապա Կողբաղնի-  
թոռները փորձում են ավերել Սասունը. լսելով այդ մասին իր  
հորեղբորից (քեռուց), Մհերը կովում և վոչնչացնում է թե մեկին  
և թե մյուսներին.

«Մհեր ելավ թուր կայծակին քաշեց,  
Գնաց զորքին խառնվավ.  
Աջու եղար, ձախու եղար,  
Վոչ ֆերը թողեց, վոչ փահելվան,  
Վոչ Զմշկիկ Սուլթան.  
Ինչ վոր կար, բոլոր կոտորեց, ասաց.  
—Ես իմ հոր փոխ»:

«Մհերն եր լուսուն ելավ,  
Զուր ձին հեծավ, քշեց, գնաց կեռա դաշու:  
Տեսավ Կողբաղնի չորս թռոներ եկան.

Ելավ չորս թռոներն ել բռնեց, կապեց,  
Առեց, երեր հրողպոր մոտ,

Երկուս փառչմեց գուան են կողմ, երկուս են կողմ:  
Ա. 231, 239

Հայրենասիրության և ժողովրդասիրության գաղափարի  
ամենափայլուն որինակն ու կենդանի մարմնացումը վեպում, սա-  
կայն, հանդիսանում ե ինքը Թավթը:

Տարբեր յերանդներով ու ձեվերով իմաստուն ժողովուրդն  
իր վեպում դրսեվորում ու ընդգծում ե իր հերոսի՝ հայրենի հոգ  
ու ջրի և վերջինիս վրա ապրող ու բանող աշխատավորության  
հետ ունեցած սերտ կապն ու մտերմությունը:

Դեռ ծծկեր յերեխա Դավիթը, Մըսրում գերության մեջ յե-  
ղած ժամանակ, համառորեն հրաժարվում ե ոտար (Մորա Մելիքի)  
կնոջ կուրծքն ընդունել Նրան սովաման լինելուց փրկում ե  
միայն Սասունից բերել տված մեղրն ու կարագը, վորը նա-  
ընդունում ե մեծ սիրով, մայրական կաթի տեղ.

«Մըսրամելիքի մեր ելավ,  
Վիրուց զաղեն, պետք ի ծիծ տեր.  
Իրիք որ իրիք գիշիք են բան չկերաւ,  
Ենու ծիծ չծըծից»:

Մըսրամելիքի մեր ճամբիսից,  
Եղի մեկ ըեռ մեղր, մեկ կարագ,  
Մեղրով, կարագով եղա տղեն կիրացուց,  
Պախից մինչիվ իրիք տարի»:

Ա. 165—166

Վերոհիշյալ հատվածում ժողովրդական վիպասանները շեշտել  
են հայրենի մնացի կենարար հատկությունը և Դավթի՝ Սա-  
սունի հետ կապված լինելու հանգամանքը: Նույն բանի արտա-  
հայտությունն են նաև Դավթի (և վեպի մյուս հերոսների)  
Սասունի աղբյուրների (Կաթնաղբյուր և այլն) ջրից հզորանալու  
պատմությունները: Մորա Մելիքի դեմ կորի գնալուց առաջ

19

Դավիթը, ժողովրդի ներկայացուցիչ՝ կորեկի արտի տեր աղքատ պառավի կամ իր ձիռ խորհրդով, խմում և իր հոր Կաթնաղբյուրի ջուրը և նոր լիցք ու թափ ստանալով յելնում մարտի.

«Դավիթ լե վեր եկավ,  
Են Կաթնաղբի ճուռ՝  
Ետու ձիռ կողաշար՝ լավացավ:  
Ենտեղ ճուր խմավ, խաց կերավ,  
Ընկավ վար Են Կաթնաղբրին, քնավ:  
Մեկ սհաթ քնավ, ելավ, տեսավ,—  
Տեսավ Ենպեսն ի լցվի,  
Ենպեսն ի Խաստացի,  
Ենպեսն ի զորություն, վոժ առի,  
Վոր չափալամիշ ի եղի»:

Ա. 22

Բացի իր առասպելական հատկությունից, ջուրն այստեղ ունի նաև այլաբանական նշանակություն. դա հայրենի ընդերքի (իմա ժողովրդի) ուժն ե, վոր ջրի միջոցով ներարկվելով Դավիթին, դարձնում է նրան անխոցելի:

Թե վորքան սերտ և կապված Դավիթն իր հայրենի յերկրի ու ժողովրդի հետ, շատ պերճախոս կերպով յերեվում և նրա Մորա Մելիքի գեմ կովի գնալուց առաջ արտասանած հրաժեշտի խոսքերից, վորտեղ նաև սրտաշարժ կերպով մի առ մի «մնաս բարով» և ասում թե իր հայրենի «պաղ-պաղ» աղբյուրներին ու քամիներին և թե իր «բարի դրկիցներին», «քույրիկներին» ու «մերիկներին».

«Ծովասարու պաղ-պաղ ախաղներ,  
Մնացեք բարով, բարի մնացեք.  
Յես կերթամ կոփիվ, կը ծարցնամ՝  
Դուք ինձնից կարոտ մընացեք:  
Ծովասարու պաղ-պաղ քամիներ,  
Մընացեք բարով, բարի մնացեք.  
Յես կերթամ կոփիվ, կը շոգնամ,—  
Դուք հով մընացեք:  
•  
«Ո՞վ քուրիր, կացեք բարով,  
Ընձի քուրութին եք երի,  
Ո՞վ մերիր, կացեք բարով,

Զի մերութին եք երի,  
Բարի դըրկիցներ, կացեք բարով,  
Կացեք բարով մեծ ու պատկով»:

Ա. 194

Սակայն վեպը չի բավականանում Դավիթի՝ իր յերկրի ու ժողովրդի հետ ունեցած սերտ կապը նշելով միայն: Վոչ պահանջական ցայտուն ու վառ պատկերներով այստեղ դրսեվորվում են նաև այն մեծ սիրազործությունները, վոր կատարում և Դավիթը հանուն իր յերկրի պաշտպանության ու ժողովրդի ազատագրության: Հիշենք դրանցից մի քանիսը միայն:

Խրատատու պառավից լսելով, թե ինչպես Մելիքի հարկանմները բռնությամբ հավաքել և մարաքն են լցըել Սասունի յոթ տարվա հարկ-թալանը, կանանց ու աղջիկներին, իրենց տիրոջն «արմաղան» տանելու համար, Դավիթն անմիջապես հասնում և գեղքի վայրը, վիրավորում, քշում հարկահաններին և ազատում գերին ու ափարը:

Դավիթ զմբգրախ քաշեց ու ընկավ մեջ,  
Եղ զորք ամեն ջարդ ու փուրդ արեց,  
Կնիկ, աղջիկ, ալան-թալան՝  
Երեր հետ ասաց.

— Ամեն մարդ գա, իրեն տված վերցու,  
Ով ապրանք տվե՝  
Թող գա իր ապրանք վերցու,  
Ով ոսկի, փող տվե,  
Թող գա իր ոսկին վերցու...

•  
Զապրանք, զոսկին, զփող,  
Ամեն ցրվեց, ետու ժողովրդին,  
Ինք եկավ իր տուն նստավ:

Դավիթի զայրույթն ու ցասումը հորդում և հեղեղի պես, յերբ նա լսում է Մորա Մելիքի՝ Սասունն ավերելու մասին տված սպառնալիքը.

«Մըրա Մելիք ասքյար կապեց,  
Եկավ վեր Սասուն քաղքին:  
Մեջ գաշտին զուր չափը—խեվաթ եղար,  
Զուհար իրկեց Զենով Հովանին:

Ասաց.—Ձենով Հովան,

Իմ յոթ տարվա խարջ կը տաս՝ տու խաթրով.

Թե չես ի տա, կը գամ, Սասմա քաղաք ավրեմ,

Տանեմ Մորա քաղքի քամակ, նոր քաղաք շինեմ»:

Ա. 17

Առանց ժամանակ կորցնելու նա գուրս և գալիս Մելիքի գեմ, վոչնչացնում թշնամուն և ազատում Սասունը նրան սպառնացող մեծ գտանդից.

«Դավիթ ուր խոր ավե երավ,—

Մըրամելիք սպանեց, զՄասուն ազատեց»:

Ա. 830

Նույն կերպ Դավիթը վարվում է նաև իր և իր հարսնացվի՝ Խանդութ Խայրենիքի ու ժողովրդի մյուս թշնամիների (Շապուհ արքայի, Բապը Ֆրենկի, Հալաբա թագավորի և մյուսների) հետ: Ստանալով նրանց մարտահրավերնամակն, այն մասին, թե՝

«Կը գաս, արի հետ մեղ կոփվ.

Վոր չես իգա, դորք կը քաշենք՝

Քու երկերը քար ու քանդ կանենք,

Ինչ կա ~ չկա, լողկենք, տանենք»,

Ա. 461

Դավիթը կովի յե դուրս գալիս և մեկ առ մեկ տեմում նրանց դատաստանը.

«Դավիթ գարձավ, զարկեց Շապուհին,

Թուր Կայծակով գլուխ կտրեց.

Բ. 402

Ելավ, գնաց մեկ մեկ բերեց,

Ողան - Տողան թագավորներ,

Կտրեց մեկ ~ մեկ նոսնց վզներ,

Դըց ենտեղ ...

Ա. 215

\* \* \*

Հայրենասիրության ու ժողովրդասիրության հետ սերտորեն շաղկապված՝ «Սասունցի Դավիթի» մեջ հանդես են գալիս ազգային համերաշխության և խաղաղասիրության գաղափարները: Ազգային ազատազրական պայքարի բովում ծնված մեր վեպի մեջ չկա ազգային ատելություն, մի բան, վոր այնքան բնորոշ և տիրող դասակարգերի հոգեւոր ստեղծագործության հուշարձաննե-

րին: Աշխատավոր հայ ժողովուրդը, վոր գարեր շարունակ յենթակա և յեղել ոտար նվաճողների արշավանքներին ու ասպատակություններին, անդադար կոտորվել, կողոպավել ու գերեվարվել նրանց կողմից, գիտակցել ե, վոր այդ արշավանքների ու ասպատակությունների կաղմակերպողը յեղել են վոչ թե պարսիկ, արաբ, թուրք և այլ աշխատավորները, այլ նրանց թագավորներն ու իշխանները: Հայ շինականն ու ոսմիկը, ինչպես և առհասարակ աշխատավոր մասսաները, ամենուրեք և միշտ պատերազմի վրա նայել են վորպես աղետի, վորի համար պատասխանատու յեն իշխանները: Նրանք են, վոր հրահրում ու բորբոքում են ազգամիջյան նվաճողական բոլոր կոփվերը:

Հասարակական վերնախավերի (թագավորների ու իշխանների) այդ ձգտումները (պատերազմասիրությունը) շատ ցայտուն կերպով արտահայտված ե հայ ժողովրդական հետեյալ իմաստուն առածում: «Յոթ գերվիշ մեկ կապերտի տակ կը սթըրվին, յոթ թագավոր վեր յոթ յերկիր չեն սթրվի»:

Յերբ Դավիթը հարձակվում է Մելիքի բաղմամարդ բանակի վրա և աջ ու ձախ ոկտում է կոտորել թշնամու զորքը, արաբական բանակից դուրս և գալիս մի ծերունի զորական և իր իմաստուն խոսքերով աշխատում է համոզել Դավիթին՝ վերջ տալ Մելիքի կողմից զոռով կովի դաշտ բերված անմեղ մարդկանց կոտորածին:

«Մեկ մեծ փիր, ալեվոր կար մեջներ,

Մելիք ենոր յոթ տղեն ել զոռովին բերել եր կոփվ.

Վոր Դավիթ ընկավ զորքի մեջ, սկսեց կոտորում,

Եղ մարդ զորքի մեջեն վազեց, եկավ ասաց.

—Դավիթ, մատաղ եմ քու զըլիսուն,

Դու ինչի՞ ես մարդեր կը սպանես,

Քու զուշման զո են դաշտի մեջ՝

Զադըր զարկե, նստեր ե,

Են ջոջ չաղըր տես ենորն ե:

Եղ զորք Մելիք զոռովին ե բերե,

Շատեր կան, մորեն մեկ են.

Վոր կա՝ թագա փեսա յե,

Վոր կա՝ ինք մենակ ե, վոչ տղա ունի, վոչ աղլիկ,

Մե կնիկ կա՝ թողե տուն քաղցած եկե,

Եղ շիվարներու մեղաց տակ մի մըտնի.

Վոր դու կորիծ ես՝ գնա Մելիքի հետ կոիվ արա»:  
Ա. 25, 199, 43

Իրեկ ժողովրդի հարազատ զավակ, վորի համար թանգ և  
աշխատավորների կյանքը, անկախ այն բանից, թե ինչ ազգու-  
թյան են պատկանում նրանք, Դավիթը սիրով ունիսդրում ե-  
արար ծերունու խոսքերը և դառնալով նրան ասում.

«—Հալեվոր, դու աղեկ բան ասացիր,  
Քու խոսք տ' ենիմ»:

Յեկ Դավիթը կատարում ե արար աշխատավորության  
ներկայացուցիչ ծերունի զորականի խորհուրդը: Նա անմիջա-  
պես ընդհատում ե կոտորածը և դիմելով գեղի Մելիքի վրանը,  
իր վեճը լուծում ե մենամարտի յելնելով և սպանելով նրան:  
Մելիքին սպանելուց հետո Դավիթը դառնում ե գեղի նրա  
զորքը և ժողովրդական հերոսին վայել խաղաղասիրական խոս-  
քերով ճանապարհ ե գնում նրանց իրենց տները.

«Դավիթ ձիու զլոխ կը դարձուցի,  
Կերթա զորքի մեջ, կասի,  
—Զեզ ամենուդ իզին տվի.  
Մեկ-մեկ ձեր տներ գնացեք,  
Իմ ջանին աղոթք երեք,  
Իմ խորմորն ել ողորմի տվեք»:

Ա. 436.

Արար զորականի իմաստում խոսքերը մի տեսակ պատգամիք  
դեր են խաղում Դավիթի համար: Իր հետագա կոիմներում ես նա  
համատարիմ և մնում այդ պատգամին և կիրառում այն կյան-  
քում:

Այսպես որինակ, յերբ Դավիթի վրա արշավանքի յեկած-  
բապը ծրենկի հակայական բանակը, տեսնելով նրա անոելի ուժը,  
փախուստի յե դիմում, Դավիթը համոզում ե իր առջեկց փախ-  
չող թշնամու զորքերին՝ կանգ առնել և ցույց տալ իրեն իրենց  
թագավորի տեղը, ասելով, վոր ինքը մտադիր չե նրանց սպա-  
նելու և վոր իր հաշիվը նրանց թագավորի հետ ե.

«Դավիթ կանչեց.—դու մի փախնեք,  
Եր թագավորի տեղ ինձի ասեք»:

Ա. 464

Յեկ յերբ արաբական բանակից հայտնում են, վոր իրենց  
թագավոր՝ Բաղը Ֆրենկին հանգիստ նստած ե իր քաղաքում,  
Դավիթը պատերազմի դաշտ ե կանչել տալիս նրան, տեղն ու  
տեղը սպանում ե, դառնալով գեղի իր թշնամու զորքն ու ժո-  
ղովուրդը, ասում.

«—Քանի դու ժիր եք, կոիվ միք երթա»:

Ա. 465

Միաժամանակ Դավիթը պատվիրում ե նրանց՝ նեղն ընկ-  
չելու գեղքում իրեն ոգնության կանչել.

«Վոր դու նեղ կընկնեք,

Ինձի թուղթ գրեք, ճամբեք, յես կը գամ»:

(Նույն տեղ)

Ահա թե ինչպես ե աշխատավոր հայ ժողովուրդը իր վեպի  
և նրա զիմավոր հերոսի միջոցով զբսելորել իրեն համար այն-  
քան թանգ ազգային համերաշխության և խաղաղասիրության  
գաղափարները:

\* \* \*

Դեպի սեփական հայրենիքն ու ժողովուրդն ունեցած ան-  
առանձն նվիրվածության և ազգային համերաշխության ու խա-  
ղաղասիրության իրենց վառ ձգոտմների համար «Սասունցի  
Դավիթ» հերոսները, մասնավորապես՝ Դավիթը, ջերմորեն սիր-  
ված են աշխատավոր ժողովրդի կողմից: Իրենց պայքարի մեջ  
նրանք գտնում են աշխատավորության լրիվ պաշտպանությունն  
ու ոժանդակությունը: Հանձին կորեկի արտի տեր պառավ կնոջ,  
ժողովուրդը բոլոր դժվարին ու ճակատագրական մոմենտներին  
ոգնության ե հասնում Դավիթին: Իր իմաստուն խորհուրդներով  
ու հորդորներով պառավ կինը ընթացք և տալիս նրա տարերա-  
յին Փիղիկական ուժին: Նա յե առաջին անգամ հայտնում Դավ-  
իթին Մորա Մելիքի հարկահանների գալատյան լուրը, նա յե սո-  
վորեցնում Դավիթին իր հոր զենքերի տեղը... Ժողովուրդը ուշի  
ուշով հետեւում ե Դավիթի և մյուս հերոսների ամեն մի քայլին,  
սրտանց ուրախանում ու վոգեվորվում նրանց հաջողություններով  
և մտահոգվում ու տիրում նրանց առաջ ծառացած դժվարու-  
թյունների կամ պատահած դժբախտությունների ժամանակ:

Այսպես, որինակ, յերբ Մըսրում ալրող ջուլհակները լսում  
են, վոր Մելիքը մտադիր ե սպանել Մհերի վորդիներին,

25

Դավթին ու Մանուկին, անմիջապես հավաքվում են, ժողով առնում և թուղթ ուղարկում Քեռի Թորոսին, վորպեսզի նա շտապի ոդնության հասնելու վերահաս վտանգի առջև կանգնած իր աղջականներին.

«Քանի մը տուն ջուլհակ կար Մըսրա մեջ.

Եղոնք լսին եղ ձեն, ձուն,  
Թե Քեռի Թորոսի ճմեր պըզի սպանին.

Հելան ուրանք ժողով երեցին,  
Թուլստ մի գրեցին Քեռի Թորոսին,  
Տվին ջահել տղի մի ձեռ, և ըսին.  
— Կերթաս Սասուն, կիդաս Քեռի Թորոսին.

Հիրկուն հատնիս, հիրկուն դա,  
Լուսուն հասնիս, լուսուն դա»:

Բ. 273—74

Թորոսը ստանալով ջուլհակների նամակը, շտապում և Մըսր և աղատում Մէերի վորդիներին:

Մի այլ տեղ Խանդրութ Խանումի դանապան Գորգիզը, նկատելով իր տիրուհու ուղնկան քառասուն փահեվաններ (կամ յոթ թագավորազների) կողմից՝ հարրած Դավթի դեմ սարքով դավադրությունը, դգուշացնում և նրան այդ մասին.

«Յոթ թագավորի տղեկներ  
Թրեր քաշին ու կայսան,  
Ու պըզի զարկեն թրով Դավթին:  
Քավոր Գորգիզ գոնից կանչեց.  
— Սան' եր Դավթ, սան' եր Դավթ,  
Եղի հարսնքի տուն չե, մահտուն ե,  
Ճանձ գլխուցդ ի վերեվով կընցնի, գլուխ թոռ»:

Բ. 83

Յեվ Դավթը լսելով Գորգիզի ձայնը, ուշքի յե դալիս ու հարածում թշնամիներին.

«Դավթ հեշրցավ, թուր քաշեց ու թուավ, կայսավ.  
Ու իգոնք Դավթի ահուց փախան»:

Բ. 83

Ժողովրդի խոր սերը գեպի իր հերոսները, բացի վերը բեր-ված և բազմաթիվ այլ առարկայական արտահայտություններից, ունի նաև իր վոչ պակաս ցայտուն բարոյական արտահայտությունները:

Բերենք մի քանի բնորոշ նմուշներ:

Յեր Դավթին իր հրեղեն ձին նստած պատրաստվում է գնալ Մէլիքի գեմ կովելու, Սասուն հարսները գալիս են նրա առաջ և յերգով բարի ճանապարհ մաղթում.

«Երթալ քեղ չըմի,

Դառնալ քեղ ըլլի,

Դառնալ քեղ ըլլի,

Երթալ քեղ չըմի

Մէր ախաղեր Դավթ . . . »

Բ. 1033.

Լսելով Դավթի հաղթական վերադարձի լուրը, Սասունի վողջ ժողովուրդը, վոր սրատրով սպասում եր նրա գալստյանը՝ Զենով Հովհանի առաջնորդությամբ գնում ե նրան գրկաբաց դիմավորելու.

«Հովհանին ասին.— Դավթի եկավ:

Հովհան ելավ, տի երթա Դավթի առաջ:

Են գեղական՝ մարդ, կնիկ, հալլոր,

Պառավ, ճիժ-պիժ,

Ամեն գնացին Դավթի առաջ»:

Ա. 438

Իրենց նախնի և հայրենիքի հիմնադիր՝ Արամելիքի (= Սասուար) մահվան լուրը լսելով, սասունցիք յոթ տարի շարունակ սուզ են կապում նրա հետեւց.

«Յոթ տարի Սասուն սուզ մնաց

Արամելիքի մենակուց ետեվ»:

Բ. 18

Նույն կերպ նրանք սպում են նաև Սասունը սովից և Մէծ Մէլիքի հարկից ապատող Առյուծակ Մէերի մահվանից հետո.

«Մէեր դարձավ, գնաց ուր տուն,

Տարավ ուր ձեռնով թուր զարկեց կպրե կարասի մեջ,

Կակլծվորավ, կակիծ տվեց ուր սիրտ ու ենտեղ մեռավ:

Սասունցիք Քեռի Թորոսին

Բերեցին, գրեցին ուրանց մեծ:

Յոթ տարի սուզ կապեցին Մէերի հետեւվ»:

Բ. 62—63

Թե վորքան խորն ու անկեղծ և Սասունցոց կակիծը, յերկում և այն փաստից, վոր նրանք յոթ տարի շարունակ չեն ամուսնացնում իրենց աղջիկներին ու տղաներին և պատրաստ

27

Են յոթ տարի ևս սուդ պահել յեթե իմանան, վոր Աբամելիքը  
կարող ե կենդանանալ.

«Գեղացիք ասեցին. — Քեռի թորոս,

Մըր տղեկներ հալլորան,

Ու մըր աղջըկտիք պառվան.

Թը զու գինաս, թը մըր յոթ տարի սուդ պահելով

Մըր Աբամելիք կը սաղնա,

Յոթ լե ավլի կը պահենք».

Բ. 18

Պակաս անկեղծ և հուզիչ չե նաև Շապիւարքան թագավորի քաղաքում բնակվող Սասունցի ջուլհակի սուգը՝ Շապուհի կողմից դափագրաբար հորը նետված Փոքր Մհերի մասին, վորին հանդիպում ե ինքը, հորից աղատված Մհերը, Շապուհի քաղաքում ժպտված շրջելիս.

«Եղ տեղեն ելավ (Մհեր), եկավ քաղքի մեջ:

Եկավ, տեսավ, վոր մեկ ջուլակ հինած կեներ.

Հինած կեներ ու կիլեր:

Հինածի կես սեգ եր, կես սիվտակ եր:

Ու հարցուց թե, — հորի մեկ սև կը հինիս, մեկ սիվտակ

Ու կիլաս հետ:

Գործըրար ըսեց. — Յես Սասունայ իմ.

Մհերին բանեցին, թալին հորու մեջ,

Են արով մեկ սև կը հինիմ, մեկ սիվտակ

Ու կիլամ»:

Բ. 99

Այսպես տարբեր ձեերով ու յերանգներով «Սասունցի Դավթի» մեջ զբսերվում ե աշխատավոր ժողովրդի անմիջական ու խոր սեպի իր հույսերի ու հույզերի կրող հերոսները»

\* \* \*

«Սասունցի Դավթի», ինչպես և առհասարակ հայ ժողովը դական բանահյուսության, հիմնական ու կարեոր մոտիվներից են նաև՝ աշխատավոր ժողովրդի ձգտումը գեղի աղատությունը, նրա լավատեսությունը կապված իր անառիկ ուժի նկատմամբ ունեցած վստահության գիտակցության հետ:

Առաջին մոտիվի լավագույն որինակը վեպում հանդիսանում է Դավիթը: Իր վողջ կյանքով ու գործով (հերոսամարտերով ու

սխրագործություններով) նա ձգտում է դեպի աղատությունը և ծառայում դրան: Առանձնապես ցայտուն ու բնորոշ է այս տեսակետից Մարա Մելիքի տանը գերության մեջ գտնվող մանուկ Դավթի «յելույթը»: Յերբ Քեռի թորոսը առաջարկում է Դավթին անց կենալ Մելիքի թրի տակով, վորպեսզի նա համաձայնվի աղատելու իրեն գերությունից, մանուկ Դավիթը համառորեն հրաժարվում է կատարել Մելիքի կամքը, ասելով.

«Կը սպանե, թող ըսոր սպանե,

Յես ընդրա թրի տակով չըմ ընցնա.

Հըմալ կենե, որ վաղ յես մեծնամ.

Սուր չքաշեմ ուր վըրեն»: Բ. 19

Յերկրորդ մոտիվի (ժողովրդի իր անառիկ ուժի մասին ունեցած վստահության) բաղմաթիվ արտահայտություններից ամենափայլունը «Սասունցի Դավթի» մեջ հետեւյալն եւ Յերբ Զենով Հովանը, տեսնելով թշնամու (Զաշկիկ Սուլթանի) բանակեռութը, սրբողելով մի պահ գժվարանում և ընտրել իրեն պայքարի ձակատը, Մհերը նախատում է նրան ասելով.

«Հրոխպեր, բա մենք Սասունա տնեն չենք,

Զե մենք Սասունա տնեն ենք.

Մենք մեռնենք, մեր գերեզմանի վրա

Թագավորներ չեն կարնա դա.

Քշի, երթանք, մեր կոիթը անենք»:

Բ. 44

\* \* \*

«Սասունցի Դավթի» մեջ վիպական բնորոշ գծերով արտահայտված ե միջնադարյան Հայաստանի (և վոչ միայն միջնադարյան) սոցիալ-տնտեսական կյանքի իրական պատկերը՝ իշխող դասերի և աշխատավոր ժողովրդի վոխնարաբերությունների ձշմարտապատում նկարագիրը: Վեպի տարբեր պատումներում մենք գտնում ենք բավական նյութ հասարակության շերտավորման՝ դասային առանձնահատկությունների, ազնվականության արտօնությունների և ռամբկ ժողովրդի ծանր վիճակի մասին: «Սասունցի Դավթի» մեջ հիշված իշխող գասակարգերի ներկայացուցիչները (թագավոր, իշխան, ուսու, վարդապետ, քահանա և այլն) իրենց կեցությամբ և սոցիալական եյությամբ հակագըրվում են վեպում յերեվան աշխատավորության ներկայացուցիչներին (արտատեր աղքատ պառավ, գութանավորներ, ջուլ-

29

հակ և այն): Մինչդեռ առաջինները վայելում են ուրիշի աշխատանքի արդյունքը՝ շահագործելով ու կեղեցելով, վերջինները ապրում են դժվարին և չարքաշ կյանքով, որն ի բուն աշխատելով և բնության տարերքի գեմ կովելով։ Հասարակական հիշյալ յերկու բանակների հակազդությունը շատ ցայտուն կերպով արատահայտված է՝ Սասունցի Դավթի և Մորա Մելիքի կերպարների մեջ։ Դավիթը վեպում յերեան և գալիս իբրև մի տքնաշան աշխատավոր և շինարար մարդ։ Մանկություն սկսում է աշխատել՝ նախ իբրև գառնարած, ապա հորթարած, հետո նախրորդ կամ վորսորդ։ Դավիթը սիրում է աշխատանքը չնայած դրա դժվարություններին։ Յերբ Զենով Հովանը առաջարկում է նրան պարապ շնչար համար համան առնել գյուղի նախրորդի պաշտոնը, Դավիթը սիրով ընդունում է այն։ Իսկ պատումներից մի յերկուսում, նկատելով իրենց ընտանիքի նյութական ծանր պայմանները, Դավիթն ինքն և առաջարկում թեսի Թորոսին՝ իրեն և տան մյուս յերեխաններին աշխատանքի դնել։

«Եղ տարին գարուն թածա բացվեր ա.

Դավիթ ըսեց. — Քեռի, գարուն ա.

Հովախ, մըշկու վախտ ա, ըունչպըսու վախտ ա,

Մենք քառսուն ջանով լըցվեր ինք իդա տուն,

Խո, գու պարտադան չիս, մըզի զըմեն պայիս:

Հելի, մըզի տուր հորթարած, նախրորդ, հովիվ, մշակ,

Դատինք, աշունք բերինք մըր աշխատանք,

Քոմմինք վիրարու, ուղինք, ապրինք»։

Բ. 275

Էնորոշ են նաև Դավիթին իբրև շինարար հերոսի բնութառող փաստերը (տես՝ Մարտոթա վանքի վերաշնուրմը, սասունցոց համար կամուրջ կառուցելը և այլն)։

Բոլորվին այլ բնութագիր ունի վեպում Մորա Մելիքը։ Իբրև իշխող գասակարգի ներկայացուցիչ, նա նեռու յե աշխատանքից և վայելում ե ուրիշի վաստակի պտուղները։ Հակառակ Դավիթին, Մելիքը յերեան և գալիս իբրև մի բռնակալ—տիրան, վոր հարկահաններ և ուղարկում Սասուն՝ յոթ տարվա հարկը բերելու, կարգադրում իր ստորագրյաներին գնալ և ավերել սասունցոց սրբատեղին, կամ գորահավաք հայտարարելով՝ պատերազմի յե գուրս գալիս իր հարկապահանջության լուծը թոթափելու փորձ անող սասունցիների գեմ։ Ահա այն «աշխատանքները», վոր կատարում ե վեպում Մելիքը։ Այդ «աշխատանքները», վոր կատարում ե վեպում Մելիքը։

Ների» մեջ կարևոր տեղ ե բռնում նաև նրա յոթորյա քունը՝ վոր վիպական բնորոշ գծերով և նկարագրված մի շաբք պատումներում։

«Դավիթ քշեց իր ձին, գընաց,

Մելիքի վըանի գուռ կայնավ.

Տեսավ՝ Մելիք իր չաղրի տակ,

Մեջ վերմակին կողոնված՝ պառկեւ,

Յոթ աղջիկ ենոր չորս դին նստե՛ ճանձ կըքշեն,

Յոթ աղջիկ իր վոտ կը մաժեն,

Երկու արար ծառայող ել դուն կանգնած»։

Ա. 431

Դավիթի և Մելիքի նման՝ հասարակական տարբեր բանակների ներկայացուցիչներ են նաև վեպի մյուս գլխավոր և յերկուրողական գործող անձերը—Սանասարն ու բաղդասարը, Առյուծաձև Մհերը, Փոքր Մհերը մի կողմից, և Բաղդադի խալիֆան, Բապը Ֆրենկին, Շապուհ արքան և այն մյուս կողմից։ Մինչեւ առաջինները վեպում ցույց են տրված իբրև գործի մարդիկ, աշխատանք սիրողներ (Սանասարն ու Բաղդասարը սեփական ձեռքերով կառուցում են վոչ միայն իրենց բերդ-բնակարանը, այլև քառասուն տուն աղքատների համար, Առյուծաձև Մհերը զրադվում ե վորսորդությամբ և յոթ տարի վորսով կերակրում ստատունցիներին, Փոքր Մհերը մերթ հանգես և գալիս իբրև քահանայի մշակ, մերթ իբրև զինվոր, մերթ իբրև քառասուն փանինային յեղբայրների համար հաց թխող և այն և այն), վերջինները՝ շահագործող, բռնակալ, անշխատ ու պատերազմաներ մարդիկ են։ Բաղդադի խալիֆան Մորա Մելիքի նման պարբերաբար արշավանքներ և կազմակերպում Հայաստանի վրա՝ ժողովրդին հարկադրելու ու կողպատելու նպատակով, Շապուհ արքան և Բապը Ֆրենկին Խանութին տիրանալու նպատակով Դավիթի վեպում գալիս այն։

Պակաս բնորոշ չեն այս տեսակետից և վեպի դավիթյան ձյուղի մի շաբք պատումներում յերեան յեկող՝ Գործոթա ուսմի և կորեկի արտատեր պառավի տիպերը։ Մեկն իբրև շահագործող—անաշխատ դասակարգի ներկայացուցիչ, վորն ունի մեծ քանակությամբ հող, վորի վրա աշխատում և վոչ թե ինքը, այլ քությամբ հող, վորի վրա աշխատում և վոչ թե ինքը, այլ քարձու մշակները, մյուսն իբրև գյուղական չքավորության ներկայացուցիչ, վոր սեփական ձեռքերով մշակում և իր

31

գոքը իկ հողամասը (կորեկի կամ շաղդամի արտը), հազիվ հազ կարողանալով հայթայթել իր ընտանիքի գոյության պահպանման համար անհրաժեշտ ապրուստի միջոցները:

Աշխարհիկ շահագործողների հետ «Սասունցի Դավթի» մեջ հանդես են գալիս նաև հոգեոր տերերը: Իրենց սոցիալական եյությամբ դրանք շատ քիչ են տարբերվում առաջիններից: Իրենց շահերով, աշխարհիկ շահագործողների նման, դրանք հակադրվում են աշխատավորությանը և նրա սիրելի հերոսներին: Այս տեսակետից բնորոշ են Մարութա վանքի միաբաններից՝ Ոհան Աղքակեցու և Սասունի ճանապարհին գտնվող Մատղավանքի վանահոր տիպերը:

Առաջինն իրեւ մի կաշուակեր անձնավորություն, վոր խարվելով Ղողբաղնի խոստումներից անցնում ե նրա կողմը և ծախում յուրայիններին, իսկ յերկրորդն իրեւ մի դավաճան, վոր դափարաբար թշնամինների ձեռքն ե մատնում Փոքր Մէերին:

Սակայն, վեպը չի բավականանում միայն հասարակական տարբեր գասակարգերի ներկայացուցիչների բնութագիրը տալով և նրանց գործունեյության պատսիվ նկարագրով: Նա, բավական բնորոշ գծերով հակադրելով դրանց իրար, տալիս ե այն պայքարը, վոր մղում ե աշխատավորությունը աշխարհիկ ու հոգեվոր շահագործողների դեմ:

«Սասունցի Դավթի» հերոսների համար հավասարապես ատելի յեն բոլոր տիպի շահագործողները, անկախ նրանց տեսակից ու ազգությունից, և ընդհակառակը սիրելի յե աշխատավորությունը՝ ինչ ազգից ել լինի դա: Այդ ե պատմառն ահա, վոր նրանք կովելով այլազգի ոտար շահագործողների դեմ, միաժամանակ կովում են նաև սեփական շահագործողների դեմ, և ընդհակառակը՝ պաշտպանելով ու հովանավորելով յուրայիններին, պաշտպանում ու հովանավորում են նաև այլ ազգի աշխատավորներին:

Այսպես որինակ, մի տեղ Դավթը Բապը Թրենկին սպանելուց հետո, սպանում ե նաև նրա քաղաքի «ջոջ» մարդկանց և նրանց տեղը «պատիկներին» նշանակում.

«Մնացողը, քաղքի մեջ վոր մնացել ե,  
Դավթի ենոնց խամար թագավոր կը դնի.  
Զաթի ջոջ մարդեր կը սպանի,  
Պատիկներ տեղ կը դնի»:

Ա. 465

«Ջոջ» և «պատիկ» բառերի տակ վեպն այստեղ անշուշտ նկատի ունի հասարակության վերին և ստորին խավերի ներկայացուցիչներին: Մի այլ տեղ Փոքր Մէերը կովելով Շապուհ արքայի դեմ և սպանելով, նրա փոխարեն թագավոր և կարգում ստառնցի չքավոր ջուլհակին.

«Ու գարկեց, Շաբի արքանի գլուխ կտրեց:  
Եղ տեղին գնաց, հորու վրեն կայնավ.  
Պառավանց ու ուր յոթ ախչիկ հորու միջեն հանեց,  
Բերեց գործըրարի կուշտ.  
Առավ գործըրար լի հետ,  
Եկավ Շաբի արքանի դիվան:  
Պառվու պստիկ ախչիկ տվեց ջուլակին,  
Ու ջուլակ դրեց թագավոր Շաբի արքանի տեղ»:

Բ. 100

Վոչ պակաս ցայտուն են նաև այն դատաստանները, վոր կատարում են Դավիթն ու Մէերը վերկում հիշված դավաճան և կաշուակեր վանականների նկատմամբ: Ահա թե ի՞նչ ե պատմում վեպն այդ մասին:

«Ղողբաղինը վանքը կողոպտում ե և միաբաններին կոտորում: միայն մի սարկավագ ազատվելով՝ փախչում ե Դավիթին պատմելու յեղելությունը: Դավիթը կեր ու խում ուներ, յերբ սարկավագը ներս ե մտնում.

«Դավիթ նստի հացն ու գինին,  
Եկան խարբին Ոհան Աղքակեցին,  
Քառսուն երեց սպանեցին,  
Քառսուն վարդապետ, քառսուն սարգեվաք»:

Դավիթը, լսելով սարկավագի խոսքերը, իսկույն վազում ե թշնամինների հետեւից, Ոհան Աղքակեցուն յերկու կտոր ե անում, իսկ Ղողբաղնին, ատամները ճակատին շարելով, ուղարկում ե Մորա Մելիքին . . .»:

Դավթից հետ չի մնում և Մէերը: Մատղավանքի վանահոր հրավերով վանքը պաշարած Դավթի թշնամի յոթ թագավորների զորքի հետ իր հաշիվը վերջացնելուց հետո, նա դալիս ե վանք և

«Մեկ ձեռքով վերուց վանքի սուն,  
Մեկելով բռնեց վանահոր բռչմից,  
Գլուխ դրեց սան տակ,

33:

Սուն թողուց վեր գլխուն, ասաց.  
— Ես վանքի անուն ըստուց յետ՝  
Մատղավանք չպիտի ըլնի,  
Մատնավանք պիտի ըլնի,  
Չունքի որ վանահեր մատնութեն երեց»:

Բ. 871

Սակայն, անհրաժեշտ են նշել, վոր «Սասունցի Դավթի» մեջ սոցիալական պայքարն ընդհանրապես և աշխատավորության իր ներքին շահագործողների դեմ մղած սոցիալական պայքարը մասնավորաբար համեմատաբար քիչ ու թույլ ե արտահայտված։ Յեզ դա ունի իր խորը պատճառները։ Այն շրջանում (7—10 դարեր), յերբ ստեղծվել ու ձևավորվել է վեպը, հայ ժողովրդի հիմնական ուշադրությունն ու վողջ ուժը կենտրոնացած ե յեղել արտաքին նվաճողների (արարական խալիֆաթ) դեմ մղած ազգային ազատագրական պայքարի ճակատում, մի ճակատ, վորտեղ ժողովրդի հետ, սակայն բոլորովին տարբեր դասակարգային միասնականությունով, ընդհանուր ֆրոնտով պայքարել են նաև հայ ազնվականությունը։ Անա թե ինչու, մեր կարծիքով, «Սասունցի Դավթիթը», իբրև հայ ժողովրդի պատճառական կյանքի հիշյալ շրջանի կենդանի վագերազիր՝ համեմատաբար թույլ ե արտացոլել հայ աշխատավորության դասակարգային պայքարն իր ներքին տերերի դեմ և, ընդհակառակը, այնքան վառ ու գունեղ և պատկերել նրա ազգային ազատագրական պայքարը ոտար նվաճողների դեմ։

6.

Պատմական իրադարձությունների, ժողովրդի գաղափարների, ձկտումների ու սոցիալական կյանքի գեղարվեստական վերատագրության հետ, «Սասունցի Դավթի» մեջ մենք գտնում ենք նաև աշխատավոր ժողովրդի (շինական և ռամիկ դասի) աշխատանքային-արտադրական կյանքի, կենցաղի, սովորությունների և հավատալիքների բավական մանրամասն նկարագիրը։

Աշխատանքային-արտադրական կյանք։ Իբրև ժողովրդի գլխավորակը և առաջարկանք «Սասունցի Դավթի» մեջ յերևան ե գալիս նաև առաջ անասնապահությունը։ Դա յե, ըստ վեպի, Սասունի և գյուղացոց և քաղաքի բնակչության պարապմունքի հիմնական առարկան։ «Մեր երկիրն վար ու ցանք չունինք, մենք են ու են զորի կը պախենք. մեր հաց Հալապա ու Շամա գուքա»

(Բ. 145), ասում ե վեպի գործող անձերից մեկը մի առթիվ։ Վեպի կենտրոնական դեմքը՝ Դավթիթը, բոլոր պատումներում հանդես ե գալիս վորպես գառնաբած, հորթարած կամ նախրորդ։ Նա պահում, արածացնում ե իր հայրենակիցների նախիրը։ Սասունցոց անամսապահ լինելու մասին հիշատակություններ կան նաև վեպի մյուս ճյուղերում։

Սասունի աշխատավոր գյուղացիության զբաղմունքի յերկրորդ կարևոր առարկան, վոր արձագանք ե գտել վեպում, դա վորսորդությունն ե։ Վորսով են պարապում եպոսի գլխավոր ներումները՝ Սանասարն ու Բաղդասարը, Մեծ Մհերը, Դավթիթը և այլն։ Վորսորդությունը նրանց համար նախ և առաջ ապրուստի և հագուստի միջոց ե։ Ըստ մի յերկու պատումների՝ Մեծ Մհերը վորսով յոթ տարի շարունակ կերակրում ե Սասունը։

«Մհեր կը բերեր իր վորս»

Սասունցոց վերեն կը ցրվեր.

Յոթ տարի Սասուն պահեց վորսով»։

Իբրև վորսի գլխավոր կենդանիներ հիշվում են՝ նապաստակ, աղվես, կուզ և այլն, վորոնց վորսալու սովորությունը՝ Դավթի ժամանակից և մնում։

«Դավթիթ լպստրակնիր, աղվիսնիր, կուզիր  
Ժողովից, առից, իսլի, ելից մանչ քաղքին։  
Քաղքցիք ելան չոկըցին ուրանց գառնիր, տարան։  
Ամեն մեկ ինչքանդար կաեր,  
Լպստրակ, աղվիս, կուզ՝ տարան խիտ։  
Լպստրակ զինիցին խետ ուլիրուն, կերան։  
Աղվիս, կուզ երին քուրք, խագան, —  
են վլիտեն լպստրակն ել չուր մկա ել  
Հա կը զինին, հա կուտին։  
Աղվիս, կուզ կենին քուրք՝ խագնին»։

Ա. 179

Անասնապահության և վորսորդության հետ «Սասունցի Դավթի» մեջ ուղղակի և անուղղակի տվյալներ կան նաև գյուղատնտեսության մի քանի այլ ճյուղերի (յերկրագործություն, այգեգործություն և այլն) վերաբերյալ Դավթի ճյուղի համարյառուր պատումներում հիշվում ե կորեկի կամ շաղգամի մշակության մասին (անս կորեկի կամ շաղգամի արտի տեր աղքատ պառավի կամ հալեվորի հատվածը)։ Նույն ճյուղի մի քանի այլ

35

պատումներում հիշվում և ցորենի և այլնի մզակության մասին» (տես՝ Դործոթա ռեսի և նրա գութանավորների հատվածը):

«Սասունցի Դավթի» տարբեր հյուղերում մենք հիշատակություններ ենք դանում նաև արհեստաների վերաբերյալ «Փոքր Մհեր» ճյուղի մի շարք պատումներում, որինակ, յերեան են գալիս Մըսրում ապրող սասունցի ջուհակներ, մի յերկու տեղ կանգարեիններ և այլն:

Ինչպես գյուղատնտեսության, նույնպես և արհեստների մասին յեղած վերոհիշյալ և բազմաթիվ այլ տեղեկություններ լիովին համապատասխանում են առհասարակ հայ աշխատավոր գյուղացիության և մասնավորապես սասունցոց աշխատանքային-արտադրական կյանքին:

Այսպես, յեթե վորորդությունը, կորեկի և շաղգամի ու այլ մշակույթները բնորոշ են սասունցոց համար, ապա անասնապահությունը, ցորենի և այլ հացահատիկների մշակույթը հատուկ և յեղել Հայաստանի շատ շրջաններին: Տարածված լինելով բազմաթիվ վայրերում, «Սասունցի Դավթը» ժամանակի ընթացքում իր մեջ և առել այդ վայրերի ազգաբնակության աշխատանքային-արտադրական կյանքի շատ գծեր:

Կենցաղ, սովորաբար ներ ու նավատալիքներ, — «Սասունցի Դավթի» մեջ շատ բնորոշ գծերով յերեան և գալիս նաև ժողովը (աշխատավոր գյուղացիության) կենցաղը, նրա սովորություններն ու հավատալիքները (ծնունդ, մանկություն, նշանգրեք, ամուսնություն, հարսանիք, մահ, թագում, ուխտագնացություն, սրբերի պաշտամունք, «ցասման ժամ» և այլն):<sup>1)</sup>

Վիպական առասպեկտիսն մասիններ, — Ունենալով բուն պատմական հիմք ու ատաղձ, «Սասունցի Դավթը», ժամանակի ընթացքում սերունդից սերունդ բանավոր ավանդվելով, իր մեջ և առել բազմաթիվ հեքիաթային, վիպական և առասպեկտական մոտիվներ: Այդ մոտիվների մի զգալի մասը վեպի մեջ մուտք է գործել հայ ժողովրդական առասպեկտներից ու հեքիաթներից, մյուս մասը՝ հայեվան ժողովրդների ֆոլկլորից: Դրանց շարքին են պատկանում, որինակ, հերոսների ջրային ծնունդը, կոփլը վիշապների ու դեվերի դեմ, գերբնական հղորացումը, քարայրներում փակվելը և այլն:<sup>2)</sup>

1, 2) ՏԵՌ Մ. Աբեղյան, Հայ ժողովրդական վեպը, «Ազգագրական Հանդես» գիրք XIV, եջ 51—57, գիրք XVI, եջ 103—117, գիրք XVII, եջ 5—36:

7.

«Սասունցի Դավթի» արտահայտչական միջոցները (լեզու, վոճական պատահավոր և այլն) վերցված են հայ ժողովրդական բանահյուսության բազմադարյան հարուստ գանձարանից: Դրանք հարազատորնեն վերաբարպում են վեպի հերոսական-դյուցազնական եյությունը և ժողովրդական-աշխատավորական վոգին:

«Սասունցի Դավթը» ստեղծվել և գարերի ընթացքում պատմվել և աշխատավորական խավերին հասկանալի, նրանց հարազատ կենդանի խոսակցական լեզվով, ժողովրդական բարեառներով:

Վեպի ներկայումս մեր ձեռքի տակ յեղած տողագրված ու անտիպ պատումները (թվով 50 հատ) իրենց լեզվական-բարեառնային առանձնահատկություններով բաժանվում են չորս հիմնական խմբերի՝

ա) Վանա բարբառով ու յենթաբարբառներով (Մոկաց, Շատախիի, Նարեկի, Կաճեթի և այլն) պատումներ:

բ) Տարոնի—Մշու բարբառով ու յենթաբարբառներով (Մասուն, Խլաթ, Ալաշկերտ, Ապարան, Նոր-Բայազետ և այլն) պատումներ:

- գ) Պարսկահայոց բարբառով պատումներ
- դ) Արևելահայ բարբառով պատումներ:

«Սասունցի Դավթի» լեզուն իրեն ժողովրդական լեզու առհուն և, ազատ և շարժուն, լիարյուն ու ձկուն: Նա համեմված և ժողովրդական սրամիտ ու դիպուկ առածներով ու ասացվածքներով, անեծքներով ու որհնանքներով, վորոնք հագեցված են կենցաղային, սոցիալական խորը բովանդակությամբ: Այդ առածների ու ասացվածքների, անեծքների ու որհնանքների միջոցով մեր վիպատմաններն արտահայտում են իրենց գրական կամ բացասական վերաբերմունքը վեպի գործող անձանց նկատմամբ, տալիս վերջիններիս բնութագիրն ու զնահատականը: Այսպես, որինակ, բացահայտելու համար նահապետական ընտանիքի ներսում գոյություն ունեցող կնոջ և մարդու փոխհարաբերությունը՝ կնոջ խոնարհ և համեստ, իր ամուսնուն հլու հնազանդ վիճակը, վիպատաններից մեկը գործ և ածում՝ «տղամարդ վոր կա՝ զլուխ ե՝ կոփլ կա՝ զլու ե» ժողովրդական տարածված առածքը: Մեկ ուրիշ վիպատան հանդութ նահումի արիությունն ու ուժը

բնորոշելիս հիշում ե՞ «Ծեր շեր ա, ըս ժըն ա չը մեր ա» (Առյուծն առյուծ ե՞ եզ, թե վորձ) քրդական հայտնի առածըշ Մի յերրորդը, գութանավորների բերանով Դավթին բարի ճանապարհ մաղթելիս, ժողովրդական վողջերթ-որհնանքի հետևյալ ընդունված բանաձեն ե ուղղում նրան՝ «վորտեղ վոր կերթաս, քու վոտ քարին չը դիմնի» և այսպէս շարունակ: Պակաս գունեղ ու բնորոշ չեն նաև «Սասունցի Դավթի» մեջ գործածված ժողովը դական մակդիրներն ու ածականները: Դրանք պատկերավոր ու գեղեցիկ բնութագրում են վեպում յերեան յեկող մարդկանց իրերի և առարկաների արտաքին ու ներքին հատկանիշները: Այսպես, որինակ, Դավթի հորեղբայրներից մեկը ունի «Զենով» մակդիրը, վորովհետև ոժտված ե անսովոր բարձր ձախով, մյուսին զարդարում և «Յուան» ածականը—նրա ծայրահեղ վախկոտության համար: Դավթի քեռին (Թորոսը) մի շարք պատումներում հիշվում ե Թևաթորոս ձեռվ, «Յևան» նրա մակդիրն ե (թևավոր) և ցույց ե տալիս Թորոսի արագաշարժությունն ու ճարպկությունը՝ Դավթի հայրը՝ Մեծ Մհերը, վորոշ պատումներում հիշվում ե իրեն Առյուծածեկ Մհեր: «Առյուծածեկ» մակդիրը նա ստանում ե ժողովրդի կողմից՝ Սասունը հարեան յերկրների հետ կապող ճանապարհին լույս ընկած առյուծին սպանելու առթիվ: Դավթի թուրը, վոր նա ժառանգաբար ստանում ե իր հորից, կրում և «Կայծակի» կամ «Կայծակեղեն» մակդիրը, վոր ակնարկում ե նրա հրեղեն եյությունը: Բացի այս և մի շարք այլ մշտական կամ կայուն մակդիրներից (Դեղձուն Շամ, Վեցոտնեն Լազգի և այլն), «Սասունցի Դավթի» բանաստեղծական լեզվի մեջ տեղին և ժամանակին գործ են ածվում նաև բազմաթիվ այլ վոչ պակաս գունեղ ու գեղեցիկ մակդիրներ ու ածականներ (վոչ մշտական կամ կայուն): Որինակ՝ կանաչ կտրիչ, քաղցրիկ մերիկ, մարդակեր պառավ, սվտկամորուս կամ թուխմորուս մարդ և այլն և այլն: Քիչ չեն վեպում նաև նվազականները (ձեռնիկ, աչկիկ, գուրզիկ, սրտիկ, Թորոսիկ):

Հայկական եկոսի վոճական տարբերից մեկն ել ժողովրդական առողջ յերգիծանքն ե, վոր մի տեսակ զգարթություն ե հաղորդում վեպին: Այդ յերգիծանքը մեղմ ե ու բարեկամական, յերբ վերաբերում ե յուրայիններին և խիստ ու խայթող, յերբ ուղղված ե թշնամիների գեմ: Վեպը ծայրե ի ծայր համեմված ե Սասան ծուերի տարորինակ արարքներին վերաբերող բարի հումորով (տես՝ Ծուռ կամ Դավթ Բաղդասարի հարբելը Ախմա-

խու սարում, Մեծ Մհերի՝ վոտները կապած քուռակին ուսն առած տանելը, պատանի Դավթի՝ իր ընկեր նախորդների համար գյուղից հարիսա բերելը, Փոքր Մհերի մանուկ հասակում Սասնո գետի վրա կամուրջ կապելը և այլն և այլն):

Քիչ չեն վեպում նաև խայթող յերգիծանքի որինակները (տես Զենով Հովանի կնոջ Սարիայի կամ Վերգոյի ծաղը ուղղված Մւլիքի գեմ կովի զնացող Դավթի հասցեյին և վերջինիս պատասխանը կովից վերագանալուց հետո, Սարս կանանց ծաղը ուղղված Սասուն գնացող և այստեղից դատարկածենոն ու պատուհասված վերագարձող գոռող Կողբաղնին և այլն և այլն):

«Սասունցի Դավթի» բանաստեղծական լեզվի կարեռը արժանիքներից ե նաև նրա պատկերավորությունը: Վեպը համեմած ված ե կենդանի ու գունեղ գեղարվեստական պատկերներով, համեմատություններով ու նմանություններով: Ճիշտ ե, քանակով դրանք շեն, բայց իրենց վորակով չեն զիջում մեր ժողովրդական բանահյուսության մյուս տեսակներում, հատկապես ժողովրդական սիրո յերգերում գործածվող հիմնալիք պատկերներին: «Սասունցի Դավթի» պատկերների համար նյութ են կերներին: «Սասունցի Դավթի» պատկերների համար անձանց արտաքինի ու ներքինի նկածառայում վեպի գործող անձանց արտաքինի ու ներքինի նկածառայում շաղապատի ընտանեկան և հասարակական կյանքի բազմապիսի յերեսույթները, ժողովրդական կենցաղն ու հավատալիքները, բնությունը և այլն և այլն: | «Սասունցի Դավթի» պատկերավոր կտորների մեջ աչքի յե զարնում աշուղների գովքը Դավթի հարսնացու՝ գեղեցկունի Խանդութ Խանումի մասին: Մի քանի վարիանտներում այդ գովքը իր պատկերաշարով համում է գեղարվեստական բարձր կատարելության: Այսպես, որինակ, վիպասաններից մեկը Դավթի առաջ Խանդութ Խանումի գովքն անելով, ասում ե.

«Տ'ասեմ, տի գովամ Խանդութ Խանում Դավթին, Ենոր բոյ գյոլու եղեգ նման եր:

Տ'ասեմ, տի գովամ Խանդութ Խանում Դավթին, Ենոր սրտիկ Թուռկիկ Զալալու մեյզանն եր:

Տ'ասեմ, տի գովամ Խանդութ Խանում Դավթին, Ենոր աչքեր գինու կթխայ եր» . . .

Ա., 918, 1068

Մի ուրիշը՝

«Կ'իրիշկեմ Խանդութ խանում, ձեռվոտ կալամով քաշած ե,

Մի հալա տըզո, կալամով քաշած ե.

Կ'իրիշկեմ՝ եղոր եղնգներ ուանդայով տաշած ե,  
Ա՛խ հալա տըգո, ուանդայով տաշած ե,  
Կ'իրիշկեմ՝ երեսի կարմրութեն, նուան գինի ե,  
Ա՛խ, հալա տըգո նուան գինի ե,  
Կ'իրիշկեմ՝ ենոր սիպտկութեն, զգած բամբակ ե,  
Ա՛խ, հալա տըգո զգած բամբակ ե» . . .

Ա. 205

### Մի յերբորգը՝

«Ընդբա աչքի թարթիներ ասեմ,  
Կռնկի թեփունման ե, լգո, մե չափ ավելի.  
Ընդբա սիպտկութեն ասեմ,  
Քանց մեկ որվա գալած ձուն սիպտակ ե, լգո, սիպ-  
տակ ե . . .

Ա. 679, Բ. 1052

Պատկերավոր ու գեղեցիկ ե մի քանի պատումներում նաև  
Դավթի պատասխան՝ յերգը գուսաններին, վորտեղ նա գունեղ ու  
յուրորինակ համեմատություններով ու նմանություններով բա-  
ցահայտում ե գուսաններին՝ Խանդութի բարեմասնությունների  
մասին նրանց գովեքը լսելուց հետո իր ներսում կատարված մեծ  
հեղաշրջումը: Ահա այդ պատասխան յերգերից մեկը.

«Գուսաններ, դու բարով եկաք,  
Իմ սիրտ քանց կաթն անարատ եր,  
Մերան թալք մակարդիք:  
Իմ սիրտ քանց Սաման բերդն ամուր եր,  
Քլունդ առաք, իմ հիմ քանդեցիք.  
Իմ սիրտ քանց աշունքվա գետ զուլաւ եր,  
Գարնան սելավի նման պղտորիք»:

Ա. 284., Բ. 1055

«Սասունցի Դավթի» լավագույն պատկերավոր կտորնե-  
րից ե պատահի Դավթի՝ Մելիքի անթիվ ու անհամար զորքի  
առաջ մի պահ սրբողելու մոմենտի նկարագիրը: Ահա թե ինչպես  
ե արտահայտում Դավթին պաշարած ըովեյական վախի այդ  
զգացումը մեր ամենաշնորհալի գեղջուկ վիպասաններից մեկը՝  
Մոկացի Նախո Քեոին.

«Դավթիթ ձին խեծավ, քշեց, գնաց,  
Ելավ կեռա սարի գրիմ:  
Ինչ կը տեմնա, — իրիշկեց՝  
Վոր քանի մ'աստղ երկինք կա,

Մորա Մելիք ընցկուն չաղըր — խելվաթ զարկած ի  
մընչ դաշտին:  
Դավիթ վոր տեսավ՝ վախացավ, ասաց.  
Որնա՞ւ բարելար աստված,  
Քո հրամանքն ե շատ.  
Յես ինչըլիս անեմ:  
Ենոնք ելնեն բամբակ (Կ'ը),  
Յես լի ելնեմ կրակ (Կ'ը),  
Զեմ կարա զանոնք երեցըի.  
Ենոնք ելնեն զարնան մատղաշ գառներ  
Յես լի ելնեմ զարնան քաղցած գելեր,  
Զեմ կարա զանոնք կտրեցըի»:

Ա. 24

Նույն մոմենտի նկարագիրը այլ ասացողների մոտ արտա-  
հայտված ե բոլորավին այլ ատաղձ ու կոլորիտ ունեցող պատ-  
կերներով ու համեմատություններով:

Նման համեմատաբար մեծ ու ամբողջական պատկերավոր  
կտորների հետ «Սասունցի Դավթի» մեջ մենք հանդիպում ենք  
նաև առանձին ծավալով փոքր, սակայն վոչ պակաս գեղեցիկ  
պատկերավոր արտահայտություններ, տողեր ու յերկուողեր  
(թշնամու վրանների համեմատությունը յերկնքի աստղերի կամ  
ծովի ավագների հետ, ձիավոր Մհերի համեմատությունը սարի  
վրա բարձրացած սարի կամ ամրոցի հետ, Դավթի կողմից թըշ-  
նամու զորքերին կոտորելու համեմատությունը՝ հասած արտը  
փչացնող կարկուտի հետ և այլն և այլն):

Հայ ժողովրդական վեպի, ինչպես և առհասարակ ժողովը-  
դական վեպերի, արտահայտչական միջոցների մեջ կարենը տեղ  
ունի չափազանցությունը (հիպերբռլան): Վերջինս մեր վեպի ա-  
մենաուժեղ ու ազդեցիկ արտահայտչական միջոցներից ե: Իրենց  
սիրելի գյուցազուն հերոսներին գովերգելու և իղեալականացնելու,  
նրանց կատարած սիրագործությունները վառ կերպով ցուցադ-  
րելու համար մեր ժողովրդական վիպասանները առատորեն կի-  
րառում են հիպերբռլան, արտահայտելով զրա մեջ ժողովրդի ու-  
ժի ու հզորության գաղափարը: «Սասունցի Դավթի» մեջ չափա-  
զանցված են նախ և առաջ հերոսները (Սանասար, Մեծ Մհեր,  
Դավթի, Փոքր Մհեր և այլն) իրենց անսովոր ֆիզիկական ուժով  
ու խիզախությամբ: Նրանք մենակ կովում են զանազան գերը-  
նական եյակների ու գազանների (առյուծ, զել, վիշտ և այլն),

41

թշնամու հազարավոր զորքերի դեմ և կարձ ժամանակում ու հեշտությամբ վոչչացնում նրանց (տես Սանասարի՝ վիշապին սպանելը, Մեծ Մհերի առյօնծին ձեւելը, Դավթի կոփէր Մելիքի և Խանդութի հոր թշնամիների (Բապը Ֆրենկի և այլն) բազմամբու բանակների դեմ, Փոքր Մհերի կոփէր մարդակեր պառավի, Կուռ դեմ և այլն և այլն): Այսուհետեւ, չափազանցված են հերոսների ձիերը (Քուռկիկ Զալալին, Վեցոտնեն Լազգին, Կապուտ ձին և այլն), իրենց անսովոր արագագնացությամբ, ուժով ու դիմացկունությամբ նրանք իրենց տերերի հետ հավասար կովում են թշնամիների դեմ և կոտորում (պոչով, շնչով, վորոներով և այլն), հարկավոր դեպքում լեզու յեն առնում ու խոսում, փրկում իրենց տերերին դժվարին մոճենտներին: Չափազանցված են հերոսների զործածած զենքերի (թուր, գուրզ և այլն) հատկությունները, մասնավորապես Թուր Կայծակին, վոր Կըտրում և պողպատե սյունը, 40 ջրաղացի քարը և այլն: Չափազանցված են գեղքերը—կոփ, մենամարտ, մրցումներ և այլն: Չափազանցության վրա յե կառուցված նաև հերոսների հազուստների, զանցության վրա յե կառուցված նաև հերոսների հազուստների, որպաների նկարագիրը, վեպում յերևան յեկող կանանց (Խանզդությունները և այլն) արտաքին գեղեցկությունները և այլն և այլն:

Չափազանցության հարակից արտահայտչական բավական ուժեղ միջոց և և հակադրությունը (կոնտրաստ), վոր նույնական առատորեն կիրառված և մեր վեպում: «Սասունցի Դավթի» մեջ կողք կողքի հանդես են գալիք՝ լավն ու վատը, չարն ու բարին, յերևակայականն ու իրականը: Յեթե Մելիքը չար և ու դաշտան, ապա Դավթի բարի յե ու մեղմ: Յեթե Վերգոն վախկոտ և ու տմարգի, ապա Քեռի Թորոսը քաջ և, մեծահոգի և այլն: Հակադրելով իրար դրականն ու բացասականը ժողովրդական վեպասանները զբանով իսկ ավելի յեն ընդգծում առաջինի առավելությունները: Հակադրությամբ նրանք հասնում են նույն նալատակին, ինչ և չափազանցությամբ—այն և ժողովրդին սիրելի հերոսների գովերգ ու իդեալականացում:

Հայ ժողովրդական վեպի գեղարվեստական հիմնական արժանիքներից մեկը նրա դիմամիզմն ե: Վեպի մեջ շատ քիչ են նկարագրական կտորները: Այուժեն ծափալում և զարգանում և մեծ արագությամբ իրար հաջորդող և փոփոխվող գործողություններով: Հերոսների բնավորությունները, նրանց ներքին

ապրումները բացահայտվում են վոչ թե պատմելով կամ նկարագրելով, այլ գործողության մեջ:

«Սասունցի Դավթին» թարմություն և գույն են տալիս բազմաթիվ գեղեցիկ յերգերը, վորոնցով առանձնապես հարուստ և վեպի Դավթի ճյուղը և մասնավորապես Խանդութի բաժինը:

Յերգով և ասվում, նախ և առաջ, վեպի նախերգանքը կամ ինչպես ժողովուրդն և ասում «վողորմիսը»: Այնուհետև, յերգ և Մորա Մելիքի զորահավաքի կոչը: Յերգով են ասվում Ձենով Հովանի ափսոսանքը և Դավթի վախը թշնամու բաղմամարդ բանակի հանգեցի: Յերգեր են՝ Դավթի դիմումնախազդուշացումը ուղղված Մելիքի բանակին, Խանդութի գովքը, վոր անում են Դավթի առաջ աշուղները, Դավթի ու Համբովի յերկախոսությունը: Յերգով և Խանդութը նախատում Պարոն Աստղիկին Դավթի գլխին կրակ թափելու համար կամ միջամտում հոր և վորդու (Դավթի և Փոքր Մհերի) կովին: Յերգով և Մհերը դիմում իր մեռած ծնողների գերեզմանին պատմելով նրանց իր վիճակի մասին և այլն և այլն:

Նմուշի համար մեջ ըերենք այդ յերգերից յերկուսը.

### «Մարա Մելիքի զօրահավաքը

«Մորա Մելիք զդալալ եքից քաղաք,  
կանչեց ապար ժողվելու, ասաց.  
Թը ժողվիմ խազար խինդ խարիր խամար  
Նորալուկ մանուկ (Եր).  
Թը ժողվիմ խազար խինդ խարիր խամար  
Լա բեղդար տղա (Եր).  
Թը ժողվիմ խազար խինդ խարիր խամար  
Լա թուխ մորուս (Եր).  
Թը ժողվիմ խազար խինդ խարիր խամար  
Սըվտակ մորուս (Եր):

Ա. 17

Դավթի՝ բնեամիների բամակին իմաց տալը

«Վով քնիր եք՝ հարթուն կացեք,  
Ախ հալա, արթուն կացեք.  
Վով արթուն եք՝ ելեք կայնեցեք,  
Ախ հալա, ելեք կայնեցեք.  
Վով կայներ եք՝ ձեր գենքեր կապեցեք,

Ալի հալա, գենքեր կապեցեք.  
 Վով ձեր զենքեր կապեր եք, ձեր ձիանք թամքեցեք.  
 Ալի հալա, ձեր ձիանք թամքեցեք.  
 Վով ձեր ձիանք թամքեր եք՝ ելեք հեծեցեք,  
 Ալի հալա, ելեք հեծեցեք.  
 Չասեք՝ Դավիթ զող եկավ, զող դնաց»:

Ա. 24

Վերջին հանգամանքը, վոր անհրաժեշտ և նշել «Սասունցի Դավիթի» արվեստի մասին խոսելիս՝ դա նրա տաղաչափական կառուցվածքն եւ: Մյուս արտահայտչական միջոցների նման մեր վեպի վոտանավորը ևս միանգամայն համապատասխանում և նրա բովանդակությանը: Դա մի ազատ, հանդարտ ու հանդիսավոր չափ ե, վոր հիանալի կերպով դրսեվորում և վեպի հերոսական-դյուցազնական բովանդակությունը: «Սասունցի Դավիթի» պատումների մեծ մասը վոտանավոր ե, յամբական պարզունյա ազատ վոտանավոր անապեստի խառնուրդով և անապեստյան ազատ վոտանավոր յամբի խառնուրդով: Այդ վոտանավորները սովորաբար միմյանց հետ խառը գործ են ածվում անխափի, բայց իրենց թվով իշխող մնում են յամբական տողերը: Հաճախ դրանց հետ միանում են և մաքուր յամբական ու մաքուր անապեստյան տողեր<sup>1</sup>:


\* \* \*

«Սասունցի Դավիթ»-ը հայ ժողովրդի անմահ ստեղծագործությունն ե: Նրա մեջ մեծ պայծառությամբ ու թափով արտահայտված են մեր ժողովրդի ազատասիրական վոգին ու հերոսությունը, նրա անդուլ պայքարը ոտարերկրյա նվաճողների դեմ:

| Դավիթ հայրենասիրությունը, սերը գեպի ժողովուրդը, անսասան կամքը, խիզախությունը, քաջությունը այսոր ել հուզում են մեզ:

«Սասունցի Դավիթ»-ն իր խորը գեմոկբատիզմով և գեղարվեստական բարձր արժանիքներով հանդիսանում է աշխարհիս լավագույն եպոսներից մեկը:

1) ՏԵ՛Ս Ա. Աբեղյան, Հայոց լեզվի տաղաչափությունը, Յերեան 1933 թ. էջ 360—370:



ԳԻԱ 2 ՈՂԵՔԻ

Ա. ՂԱՆԱԴՅԱՆ  
ДАВИД САСУНСКИЙ

Лекция прочитанная в лекториуме  
Ереванск. Госуна 18-го декабря 1938 г.

ИЗДАТЕЛЬСТВО  
ЕРԵՎАНСКОГО ГОСУНА

ՀՀ Ազգային գրադարան



NL0373209

64.384